


ՀՊ. ԱՃՈԹԵՍՆ

ԳՐԱԲԱՐԻ
ԾԱՂԿԱՓԱՂ



ՊԵՏՎՐԱՑ

1936

491.99-8
4-50
ա

ԳՐԱԲԱՐԻ
ԾԱՂԿԱՓԱՂ

Կազմեց
Հր. Ա.ՃԱՌԵՍՆ

886
09

ԳԵՏԳՐԱՑ

ՅԵՐԵՎԱՆ

1936

ՎԻՊԱՍԱՆԱԿԱՆ ՇՐՋԱՆ

1.

ԵՐԳ Վ. Ա. Հ Ա. Գ Ն Ի

Մրբագրիչ Գառնիկ Տ. Ստեփանյան

Պետրաշի տպարան
Հրատարակ. № 3732
Գլավլիս Ա. 2118
Պատվեր № 628
Տիրած 3000



1365
40

Երկնէր երկին և երկիր,
Երկնէր և ծովն ծիրանի.
Երկն ի ծովուն ունէր և զկարմրիկն եղեգնիկ.
Ընդ եղեգան փող ծուխ ելանէր.
Ընդ եղեգան փող բոց ելանէր.
Եւ ի բոցոյն վազէր խարտեաշ պատանեկիկ,
Նա հուր հեր ունէր,
Բոց ունէր մօրուս,
Եւ աչկունքն էին արեգակունք:

Խոր. Ա. լա.

2.

ԵՐԳ Վ. Ա. Ր Գ Գ Է Ս Ի

Հատուած գնացեալ Վարդգէս մանուկն
Ի Տուհաց գաւառէն, զՔասախ գետով,
Եկեալ նստեալ զԵրէշ բլրով,
ԶԱՐՄԻՄԵՂ քաղաքաւ, զՔասաղ գետով,
Կոել կոփիկ զդուռնն Երուանդայ արքային

Խոր. Բ. կե.

6.

3.

Քեզ ասեմ, այր քաջ Արտաշէս,
Որ յաղթեցեր քաջ ազգին Ալանաց,
Եկ հաւանեաց բանից
Աչափեղոյ դստերս Ալանաց՝
Տալ զպատանիդ:
Զի վասն միոյ քինու հչ է օրէն դիւցազանց՝
Զայլոց դիւցազանց զարմից
Բառնալ զկենդանութիւն,
Կամ ծառալեցուցանել
Եւ ի սորկաց կարգի պահել.
Եւ թշնամութիւն յաւիտենական
Ի մէջ երկոցունց ազգաց քաջաց հաստատել

Խոր. Բ. ձ.

4.

Եւ ուստի տացէ քաջն Արտաշէս
Հազարս ի հազարաց և բիւրս ի բիւրուց,
Ընդ քաջազգւոյ կոյս օրիորդիս Ալանաց:

Խոր. Բ. ձ.

5.

Հեծաւ արի արքայն Արտաշէս ի Սեաւն զեզեցիկ,
Եւ հանեալ զոսկէօղ շիկափոկ պարանն,
Եւ անցեալ որպէս զարծուի սրաթե ընդ զետն,
Եւ ձգեալ զոսկէօղ շիկափոկ պարանն,
Ընկէց ի մէջ օրիորդին Ալանաց,
Եւ շատ ցաւեցոյց զմէջք փափուկ օրիորդին,
Արագ հասուցանելով ի բանակն իւր:

Խոր. Բ. ձ.

Տեղ ոսկի տեղայր ի փեսայութեանն Արտաշէսի,
Տեղայր մարգարիտ ի հարսնութեան Սաթինկանն:

Խոր. Բ. ձ.

7.

Վիշապազունք գողացան զմանուկն Արտաւազդ,
Եւ դմ փոխանակ եղին:

Խոր. Բ. կա:

8.

Տեհչայ Սաթենիկ տիկին տեհչանո՝
Զարտախուր խաւարտ և զտից խաւարծի՝
Ի բարձիցն Արդաւանայ:

Խոր. Ա. լ.

9.

Ճաշ գործեալ Արդաւանայ ի պատիւ Արտաշէսի,
Խարդաւանակ լեալ նմին ի տաճարին վիշապաց:

Խոր. Ա. լ.

10.

Արտաւազդայ ոչ գտեալ,
Քաջի որդւոյն Արտաշէսի,
Տեղի ապարանից՝
Ի հիմնանալն Արտաշտու,
Նա անց գնաց և շինեաց
Ի մէջ Մարաց զՄարակերտ:

Խոր. Ա. լ.

5

11.

Մինչ դու գնացեր,
Եւ զերկիրս ամենայն ընդ քեզ տարար,
Ես աւերակացս որպէ՞ս թագաւորեմ:

Խոր. Բ. կա.

12.

Դու յորս հեծցիս յազատն ի վեր ի Մասիս,
Զքեզ կալցին քաջք,
Տարցին յազատն ի վեր ի Մասիս,
Անդ կացցես և զլոյս մի տեսցես:

Խոր. Բ. կա.

13.

Տի տայր ինձ զծուխ ծխանի
Եւ զառաւոտն Նաւասարդի,
Զվագելն եղանց և զվագելն եղջերուաց.
Մեք փող հարուաք և թմբկի հարկանէաք:

Մազ. լգ.

14.

Իբրև զսէգն Տրդատ, որ սիդալովն
Աւերեաց զթումը զետոց և ցամաքեցոյց,
Իսկ ի սիդալն իւրում զյորձանս ծովուց:

Ազար. § 123.

15.

Թէ քո Շարայի որկորն է,
Մեր Շիրակայ ամբարքն չեն:

Խոր. Ա. ճբ.

ՈՍԿԵԴԱՐԵԱՆ ՇՐՋԱՆ

1.

ԱՌԱԿԻ ՍՈՂՈՄՈՆԻ ՈՐԴԻՈՅ ԴԱՒԹԻ
ԹԱԳԱՎԻՈՐԻ ԻՄՐԱՅԵԼԻ

Ճանաչել զիմաստութիւն և զխրատ, իմանալ զբանա
հանձարոյ, ընդունել զդարձուածս բանից, ի միտ առնուլ
պարդարութիւն ճշմարիտ և ուղղել զիրաւունս: Զի տացէ
անմեղաց զխորագիտութիւն, մանկանց տղայոց զմիտս և
զհանձար: Որոց իբրև լուիցէ իմաստունն՝ իմաստնագոյն
լիցի: Իսկ որ հանձարեղն իցէ՝ զառաջնորդութիւն ստացի,
ի միտ առցէ զառակս և զբանս խորինս, զճառս իմաստնոց
և զառակս նոցա: Սկիզբն իմաստութեան երկիւղ Տեառն,
հանձար բարի ամենեցուն որ առնեն զնա: պաշտօն բարի
առ Աստուած՝ սկիզբն զգոնութեան. զիմաստութիւն և
զխրատ ամբարիշաք անգոսնեն: Լհւր, որդեակ, խրատու
հօր քո և մի մերժեր զօրէնս մօր քո, զի պսակ շնորհաց
ընկացի գլուխ քո և մանեակ ոսկի: ի պարանոցի քում:

Առակ Ա. 1—9

2.

ՈՐՄԻՉԴԻ ԵՒ ԱՐՀԱՆ

Մինչ չե բնաւ էր ինչ, ասեն, ոչ երկինք և ոչ երկիր
և ոչ այլ ինչ արարածք՝ որ յերկինս կամ յերկրի, Զրուան

ոմն անուն էր, որ թարգմանի բախտ կամ փառք: Զհաղաբ
ամ յաշտ արար, զի թերես որդի մի լինիցի նմա, որում
անուն Որմիզդ, որ զերկինս և զերկիր և զամենայն որ ի
նոսա՝ առնիցէ. և յետ հաղար ամի յաշտ առնելոյ՝ սկսաւ
ածել զմտաւ. ասէ. Օգուտ ինչ իցէ յաշտու զոր առնեմ, և
լինիցի ինձ որդի Որմիզդ, եթէ ի զուր ինչ ջանայցեմ:
Եւ մինչ զեռ նա զայս խորհէր, Որմիզդ և Արհմն յղեցան
յարգանդի մօր իւրեանց. Որմիզդն ի յաշտն առնելոյ, և
Արհմն ի յերկուանալոյ անտի: Ապա իմացեալ Զրուանայ,
ասէ. Երկու որդիք են յորովայնի անդ. որ ոք ի նոցանէ
վաղ առ իս հասցէ՝ զնա թագաւոր արարից: Եւ ծանուցեալ
Որմզդի զխորհուրդս հօրն՝ յայտնեաց Արհմենին. ասէ.
Զրուան հայր մեր խորհեցաւ՝ թէ ոք ի մէնջ վաղ առ նա
երթիցէ, զնա թագաւորեցուցէ: Եւ զայն լուեալ Արհմենին
ծակեաց զորովայնն, և ել եկաց առաջի հօրն: Եւ տեսեալ
զնա Զրուանայ, ոչ զիտաց եթէ և ոք իցէ. և հարցանէր՝
եթէ ով ես դու: Եւ նա ասէ. Ես եմ որդին քո: Ասէ ցնա
Զրուան. Իմ որդին անուշահու և լուսաւոր է, և դու
խաւարին և ժանդահու ես: Եւ մինչեռ նոքա զայս ընդ
րիմեանս խօսէին, ծնեալ Որմզդի ի ժամու իւրում լուսաւոր
և անուշահու, եկն եկաց առաջի Զրուանայ: Եւ տեսեալ
զնա Զրուանայ, զիտաց՝ եթէ Որմիզդ որդի նորա է՝ վասն
որոյ զյաշտն առնէր. և առեալ զբարսմունս՝ զոր ի ձեռին
իւրում ունէր, որովք զյաշտն առնէր, ետ ցՈրմիզդ, ասէ.
Յայժմ ես վասն քո յաշտ առնէի, յայսմհետէ դու վասն իմ
առնիցես: Եւ ի տալ Զրուանայ զբարսմունս ցՈրմիզդ և
օրհնել զնա, մատուցեալ Արհմենի առաջի Զրուանայ՝ ասէ
ցնա. Ո՞չ այսպէս ուխտեցեր՝ թէ և ոք յերկուց որդոցն
իմոց յառաջ առ իս հասցէ, զնա թագաւոր արարից: Եւ
Զրուանն առ ի չջրելոյ զուխտն՝ ասէ ցԱրհմնն. Ա՛յ սուտ և
չարագործ, տուեալ լիցի քեզ թագաւորութիւնն ինն հաղար
ամի, և զՈրմիզդ ի վերայ քո արքայ կացուցեալ. և յետ
ինն հաղար ամի Որմիզդ թագաւորեսցէ, և զինչ կամիցէ
առնել՝ արասցէ:

Յայնժամ սկսան Որմիզդ և Արհմնն առնել արարածս.
և ամենայն ինչ՝ զոր Որմիզդն առնէր, բարի էր և ուզիզ.
և զոր ինչ Արհմնն գործէր, չար էր և թիւր:

Նցնիկ Բ. ա.

34

ՅԱՂԱԳՍ ՑՈՀԱՆՆՈՒ ԵՊԻՍԿՈՊՈՍԻ
ԵՒ ՎԱՐՈՒՅՑ ՆՈՐԱ

Այլ Յոհան եպիսկոպոս, որդի Փառինայ հայրապետի,
հինաւուրց, թէ արժան իցէ զնա կոչել եպիսկոպոս: Եւ էր
սա այր կեղծաւոր, և երևեցուցանէր ինքն զանձն իւր
մարդկան պահող և խորգահանդերձ. մինչ զի մոյզս անգամ
ոչ ագանէր. այլ զամառն հեսկով պատէր և զմմեռն կեմով:
Եւ յագահութեան առանց չափոյ էր հեղեալ, և ոչ կարէր
տալ զագահութիւն իւր ընդ երկիւղին Աստուծոյ. այնչափ
ինչ, զի զերս անարժանս և չհաւատալիս գործէր:

Զի էր երբեմն գիպեալ ի ճանապարհի ուրեմն, զի
նստէր նա ի զրաստու վերայ և գայր. եկ[ն] զիպեցաւ սմա
օտար պատանի մի աշխարհական հեծեալ ի ձի, սուսեր
ընդ մէջ, թուր զգուտոյ, աղեղնակապարձ զմիջովն, լուացեալ
զհերս իւր, օծեալ, մերձեալ, վարսակալ եծեալ ի գլուխ իւր,
և [լոգիկ արկեալ զուսովք իւր. և գայր զմանապարհս իւր,
թերես յաւզգակութենէ: Իսկ ձին՝ յորում հեծեալ՝ մեծ
հասակաւ, և էր գունաւոր, զնացող, մինչ զի ի բացէ
տեսանէր եպիսկոպոսն Յոհան զձին, մհծապէս զարմացեալ՝
ակնկառոց լինէր: Ապա իբրև եկն մերձեցաւ հեծեալն մօտ
ի նա անդր, ապա սպասեալ Յոհաննու՝ բուռն հարկանէր
զերասանակաց ձիոյն և ասէր. է՛ջ դու վաղվաղակի ի ձիոյ
այտի, զի բանք են ինձ ընդ քեզ:— Ասէ այրն. Զի ոչ դու
զիս զիտես և ոչ ես զեբեզ, զինչ այն բանք իցեն, զոր դու
ընդ իս իցես խօսելոյ: Մանաւանդ զի այրն արբեալ ևս
զիպեցաւ, և շատ յամառեաց այրն իջանել ի ձիոյն: Ապա

շոնաղատեաց զնա Յոհան, իջուց ի ձիոյ անտի և առ տարաւ զնա մեկուսի ի ճանապարհէն: Եւ առնն խոնարհել հրամայէր և ասէր. Զերիցութեան ձեռն դնեմ ի վերայ քու իսկ նա տայր պատասխանի զանձնէն, եթէ այր աւազակ սպանող չարագործ և խառնագնաց լեալ ի մանկութենէ լիմմէ, ես ոչ ինչ եմ արժանի այդպիսի իրաց. և այժմ դեռ ի նմին գործ կամ: Եւ շատ ի վեդ եկեալ յամառէր այրն, և նա և՛ս չար քան զնա: Ապա բռնաբար զգետնեալ զայրն, դնէր Յոհան զձեռն իւր՝ առնել զնա երէց. և յարուցեալ հրամայէր լուծանել զհանգոյց մեկնոցին և արկանել նմա աղաբողոն: Եւ ասէր. Ե՛րթ ի գեղ քու և լիջիր դու անդ երէց գեղջն՝ ուստի ես: Եւ անգամ ոչ գիտէր զայրն թէ յորմէ՛ գեղջէ իցէ: Ինքն Յոհան մատուցեալ բուռն հարկանէր զձիոյն և ասէր. Այս ինձ կօշիկք լիցին, փոխանակ զի երէց արարի զքեզ: Իսկ այրն յամառեալ ի վերայ ձիոյն, չառնոյր յանձն տալ: Ապա բռնաբար յինքն հանեալ զձին, և զայրն արձակեաց: Եւ այս ամենայն իրքս վասն ձիոյն եղեն:

Ապա այրն թէ ոչ կամօք՝ աղեբողոն արկեալ, զնալր ի տուն իւր. և երթեալ մտանէր ի մէջ ընտանեաց իւրոց. ասէ ցկին իւր և ցընտանիս. Արիք յաղօթս կամք: Եւ նոքա ասեն. Մոլիս դու. գե՞ու ուրեմն հարաւ ի քեզ: Իսկ նա ասէ. Արիք կամք յաղօթս, վասն զի երէց եմ: Իսկ նոքա զարմացեալ մերթ շիկնէին, մերթ ծիծաղէին, մինչև բազում անգամ յամառեալք, ապա ուրեմն հաւաննցան կալ յաղօթս ընդ նմա: Ապա ասէ կինն ցայրն իւր. Ո՞չ դու երախայ էիր և չէիր մկրտեալ: — Ասէ այրն ցկինն իւր. Ապշեցոյց, չետ յիշել. և ոչ ես յիշեցի զայդ ասել ցնա. զիս երէց արար, և զէին սանձաւ թամբաւ առ և անց: Եւ ասեն ցայրն ընտանիքն իւր. Յարիցես անդրէն զնացես առ եպիսկոպոսն և ասացես. Մկրտեալ չէի. զի՞ արարեր զիս երէց: Եւ ասէ Յոհան. Սափորով միով ջուր բերէք: Եւ առեալ զջուրն՝ էարկ զգլխով նորա և ասէ.

Ե՛րթ, մկրտեցի զքեզ: Եւ արձակէր զայրն վաղվաղակի յիւրմէ:

Բարգ. Զ. թ.

4.

ՅԱՂԱԳՍ ՆՈՐԻՆ ՑՈՀԱՆՆՈՒ

Երբեմն սոյն Յոհան անցանէր առ այգեօք ուրումն. և էր ժամանակն զայդին յատելոյ: Աղաղակէր առ նա այր մի յայգւոյն և ասէ. Օրհնեա, տէ՛ր եպիսկոպոս, զմեղ և զայգիսս: Ասէ Յոհան. Փուշ և տատասկ բուսցի: Ասէ այրն. Ի մարմինդ քու բուսցի փուշ և տատասկ, փոխանակ զի տարապարտուց անիծանես զմեղ: Եւ եղեն նշանք Աստուծոյ. զի իրբե չոգաւ եպիսկոպոսն ի վանս իւր, հասին հարուածք ի վերայ նորա, սկսաւ ընդ ամենայն անդամս մարմնոյ նորա որպէս զփուշ հարկանել: Եւ մեծապէս շտապեալ անկեալ ի տանջանս չարչարս հարուածոց, և ի մեծ տագնապի կայր աւուրս բազում: Ապա լողեաց կոչեաց առ ինքն զայգորդն, աղաչեաց զնա առնել ի վերայ նորա աղօթս, զի փրկեսցի նա ի ցաւոցն: Այգորդն ասէր. Իսկ ես ով եմ, զի կարեմ զոք օրհնել կամ անիծանել թող թէ զայր եպիսկոպոս: Իսկ նա բռնադատէր զնա յայնժամ, մինչև յառնէր այգորդն, կայր յաղօթս և ասէր. Տէ՛ր Աստուած, դու գիտես՝ զի ես այր մեղաւոր եմ և անարժան. ոչ գիտեմ զաղմուկ՝ յորում ըմբռնեցայս. դռւ փրկեա զիս յայս ի չարէս. զի առեն թէ զայր եպիսկոպոս դու անիծեր, և ասեն՝ քու բանիւ եղեւ: Զի լաւ էր ինձ մահ. քանզի չգիտեմ զայս՝ զոր ինչ զինէն ասեն: Եւ զայս ասացեալ անդէն բժշկեցաւ եպիսկոպոսն, և սկսաւ յամենայն մարմնոցն փուշն ի բաց թափել. և էր իրբե զփուշ խոտոց. վաղվաղակի յարուցեալ ողջացաւ յախտէն:

Բարգ. Զ. թ.

ՅԱՂԱԳՍ ՆՈՐԻՆ ՅՈՀԱՆՆՈՒ

Սոյն Յոհանն եղիսկոպոս, որդի Փառինայ, յորժան երթայր առ թագաւորն Հայոց, խաղակատակ լինէր նոցա. որպէս խաղալով զանձն իւր կրթէր յագահութեան, որում ծարաւեալ պասքեալ փափաքէր. սակայն միահանել (միմանսվա՞՞) այն էին նորա: Ի չորք անկեալ յոտս և ի ձեռու սողէր առաջի թագաւորացն, և զուղտու զձայն ածէր կառաչելով, զօրէն ուղտու այնպէս փարելով: Ընդ կառաչելով ապա մի մի բան խառնելով առնէր ի ձայն կառաչելոյն, ասելով թէ Ուղա եմ, ուղա եմ, և զարքայի զմեղս բառնամ. դի՞ք ի վերայ իմ զմեղս արքայի, թող բառնամ:

Իսկ թագաւորքն զմուրհակս գիւղաց կամ զագարաշ կաց գրեալ և կնքեալ՝ դնէին ի վերայ ողինն Յոհաննու փոխանակ ընդ մեղաց իւրեանց. և ի թագաւորացն Հայոց ստացաւ իւր գեւզս և ազարակս և զանձս յուղտն լինելոյ և զմեղսն բառնալոյ ըստ բանիցն:

Այսպիսի էր ալրս Յոհանն կապեալ յոշտութեան և յագահութեան զամենայն աւուրս կենաց իւրոց. զայսպիսի գործս գործէր վասն ազահութեան, որ չէր արժան:

Բարգ. Զ. ճ.

6.

ՀԱՅԿ ԵԽ ՅԱԶՈՐԴԻՔ ՆՈՐԱ

Այս է Հայկն՝ որ ծնաւ զԱրամանեակ զորդի իւր ի բարելոն: Եւ ծնաւ Արամանեակ ուստերս և դստերս բազումս, յորոց անդրանիկն Արամայիս: Եւ ծնաւ Արամայիս ուստերս և դստերս բազումս, յորոց անդրանիկն Ամասիա: Եւ ծնաւ Ամասիա ուստերս և դստերս բազումս, յորոց անդրանիկն Գեղամ: Եւ ծնաւ Գեղամ ուստերս և դստերս

բազումս, յորոց անդրանիկն Հարմա: Եւ ծնաւ Հարմա ուստերս և դստերս բազումս, յորոց անդրանիկն Արամ: Եւ ծնաւ Արամ ուստերս և դստերս բազումս, յորոց անդրանիկն Արայն գեղեցիկ:

Չուեաց խաղաց գնաց Հայկն ի Բարելոնէ կնաւն և որդւովքն և ամենայն աղմխիւն հանդերձ: Եւ չոգաւ բնակեցաւ լերկիրն Արարադայ, ի տանն որ ի լեռնոտինն, զոր զառաջինն շինեալ էր Զրուանայ հօրն՝ եղբարբքն հանդերձ: Եւ ապա ետ զնա Հայկն կալուած ժառանգութեան կադմեայ թոռին իւրում որդւոյն Արամանեկայ: Եւ ինքն չուեաց գնաց անտի ևս ի հիւսիսակողմն և չոգաւ բնակեցաւ ի բարձրաւանդ դաշտավայրի միոջ. և կոչեցաւ անուն դաշտին այսորիկ Հարք, յանուն հարցն. Իսկ երկիրն ըստ նմին պատշաճի կոչեցաւ անուն Հայք, որ են հայագամբք հանդերձ:

Եւ արդ՝ այս Հայկ հզօր զօրութեամբ և բարի անձամբ և կորովի աղեղամբ և մարտիկ յոյժ:

Յայնմ ժամանակի թագաւորեաց ի Բարելոն որսորդ հսկայ Բէլն Տիտանեան, ճոխն չաստուածացեալ որայ հզօր զօրութեամբ և սաստիկ յոյժ գեղ պարանոցի իւրոյ: Եւ էր իշխան ամենայն ազգաց, որ սիուեցան ի վերայ երեսաց ամենայն երկրի: Որոյ արարեալ առ աչօք կախարդութեամբ հնարս և հրամանս թագաւորականս ամենայն ազգաց. և հպարտութեամբ ամբարտաւանութեան իւրոյ կանգնեաց զպատկերն իւր, և ետ երկիրպագանել իբրև աստուծոյ և զոհս մատուցանել:

Եւ վաղվաղակի կատարէին ամենայն ազգքն զհրամանս նորա:

Բայց մի ոմն Հայկ անուն, նահապետ ազգացն, ոչ հնաղանդեցաւ ի ծառայութիւն նորա, և ոչ կանգնէր ի տան իւրում զպատկեր նորա, և ոչ մեծարէր զնա աստուծօքէն շքով:

Եւ էր անուն նորա Հայկ, ընդ որում ծնաւ արքային

Բելայ ոխութիւն մեծ: Եւ զօրաժողով լինի Բէլ արքայ ի
Քարելոն և դիմէ գնայ ի վերայ Հայկայ՝ սպանանել զնա:

Գայ հասանէ յերկիրն Արարադայ, ի տունն, որ էր
նոցա հալրենի, որ շինեալն էր ի լեռնոտին, և Կաղմու
փախստական գնաց ի Հարք, առ հայր իւր, աղդ առնել
նմա, և ասէ. Դիմեալ գայ Բէլ արքայ ի վերայ քո, և եկն
եհաս մինչև ի տուն անդր, և ես կնաւ իմով և որդւովք
ահաւասիկ կամ փախստական:

Առնու Հայկն զԱրամենակ և զկաղմոս զորդի իւր, և
զորդիս նոցա և զորդիս եւթանեցունց դստերաց իւրոց,
առս հսկայս և նուազունս թուով: Եւ ի դիմի հարկանի
Բելայ արքայի. և ոչ կարաց զդէմ ունել բաղմութեան
արանց հսկայից սպառազինաց: Եւ կամեցաւ ըմբռնել զնա
Բէլ ի բուռն իւր: Խոյս ետ Հայկն յերեսաց նորա և գնալը
նա փախստական. և Բէլ զհետ նորա երթայր պնդագոյնս
հանդերձ զինակրաւն իւրով:

Չտեղի կալաւ Հայկն և ասէ ցնա. Զի՞ պնդեալ գաս
զհետ իմ. դարձիր անդրէն ի տեղի քո, զի մի մեռանիցիս
այսօր ի ձեռաց իմոց, քանզի ոչ վրիպի նետ իմ իւրք:

Պատասխանի ետ Բէլ և ասէ.— Վասն այնորիկ զի մի
անկցիս ի ձեռս մանկտոյ իմոյ և մեռանիցիս, այլ եկ ի
ձեռս իմ և կեաց ի տան իմում խաղաղութեամբ, ունելով
ի գործս զմանկունս ի տան իմոյ զորսականս:

Պատասխանի ետ նմա Հայկն և ասէ. Շնէն ես դու և
յերամակէ շանց, դու և ժողովուրդ քո: Եւ վասն այնորիկ
թափեցից իսկ այսօր ի քեզ զկապարձս իմ:

Եւ արքայն Տիտանեան սպառազինեալ և վստահացեալ
ի կուռ սպառազինութիւն անձին իւրոյ:

Եւ Հայկն Աբեթայն մերձենայր և ունէր ի ձեռին
իւրում զաղեղն, որպէս հեծան հզօր մալրափայտեայ: Եւ
Հայկին զտեղի կալեալ՝ պատրաստի ընդդէմ նորա աղե-
զամբ: Եւ կանգնէ զկապարձսն ի գետնոյ ընդ ինքեան յա-
զեղն սկայօրէն կամարին, և ընդ գիրկս մտեալ զօրու-
թեամբ հարկանէ նետիւ զտախտակս երկաթիս, և ընդ

պղնձի վահանն ի թափ անցուցանէ ընդ մսեղէն արձանն,
երկիր խարսխեալ վտարեալ զնետն. և վաղվաղակի յեր-
կիր կործանեալ աստուածակարծեալ հսկայն. և զօրք նորա
փախստական լինէին: Եւ նոքա զհետ մտեալ թափեցին ի
նոցանէ երամակս ձիոց և ջորեաց և ուղտուց:

Եւ Հայկ դարձաւ ի տեղի իւր. և չողաւ կալաւ Հայկն
պերկիրն Արարադայ, և բնակեցաւ անդէն աղգաւ իւրով
մինչև ցայժմ:

Եւ ի ժամանակի մահուան իւրոյ ետ զնա կալուած
ժառանգութեան Կաղմեայ թոռին իւրում, որդւոյ Արամա-
նեկայ, եղրօր Արամայիսի: Եւ Արամանեկայ հրամայեաց
երթալ ի հիւսիսակողմն, ուր ինքն իսկ զադարեաց զառա-
ջինն:

Եւ եղև յետ մահուանն Հայկայ, առ Արամենակ զոր-
դիս իւր և զդստերս իւր և զարս նոցա, և զքորս եւթա-
նեսին և զարս նոցա, զուստերս և զդստերս նոցա և զամե-
նայն աղիս իւր: Եւ չողաւ բնակեցաւ անդէն յառաջնութե-
պաւառին, զոր կոչեցին յանուն հարց իւրեանց՝ Հարք:

Ապա գնայ անտի ևս Արամանեակ ի հիւսիսակողմն և
երթեալ իջանէ յերկիր մի խորին դաշտավայր, որ կայ ի
մէջ բարձրաբերձ լերանց, և հատանէ անցանէ ընդ մէջ
նորա գետ յորդահոսան, զորով անցեալ Արամենակ բնակէ
անդ, և շինէ զերկիրն կալուած ժառանգութեան իւրոյ՝
զվայրն լեռնակողմն և զառապար:

Զինի Արամանեկայ՝ որդի նորա Արամայիս շինէ իւր
ի վերայ գետեղերն տուն բնակութեան, և անուանէ զա-
նուն նորա՝ ըստ անուան իւրոյ Արամայիր: Եւ որդիք նո-
րա սկսան բազմանալ և լնուլ զերկիրն: Եւ շինեցին գա-
ւառոս:

Մեռաւ և Արամայիս և կալաւ զերկիրն որդի նորա
Ամասիա: Եւ ապա յետ նորա Գեղամ: Մեռաւ Գեղամ և
ափեաց որդի նորա Հարմայ, ապա որդի նորա Արամ,
ապա որդի նորա Արայն գեղեցիկ, որով անուն իսկ գաշ-
տին այնորիկ կոչեցաւ Այրարադ:

Եւ Շամիրամ կինն Ասորւոց արքային նինոսի, քանզի լուաւ վասն գեղեցկութեան նորա և կամեցաւ առնել ընդ նմա բարեկամութիւն, որպէս զի կատարեսցէ զկամս նորա պոռնկութեամբ. քանզի ըստ լրոյ համբաւոյ յոյժ տոփեալ էր ի վերայ անձին և գեղոյ նորա գեղեցկութեանն: Զի ոչ գտանէր յայնմ ժամանակի նման նորա այր ոք ամենէն՝ այր պատկերածոխ: Յղէ առ նա հրեշտակս պատարագօք և կոչէ զնա առ ինքն ի նինուէ: Իսկ Արայն ոչ զպատարագն նորա ընկալաւ և ոչ յանձն առնու երթալ ի նինուէ առ Շամիրամ:

Ապա առնու զզօրսն իւր Շամիրամ և զնայ ի վերայ նորա ի Հայո: Գայ հասանէ ի դաշտն Արայի և տայ պատերազմ ընդ Արայի, հարկանէ զզօրն և սպանանէ զԱրայ ի պատերազմին:

Եւ հրամացէ Շամիրամ տանել զդի նորա ի վերնատունն ապարանից իւրոց և ասէ. Ես ասացից աստուածոց լիզուլ զվէրս նորա և կենդանասցի:

Իսկ իրեւ նեխեցաւ զի նորա ի վերնատանն, հրամայեաց գաղտնի ընկենուլ ի զին և ծածկել: Եւ զարդարէ զմի զոմն ի հոմանեաց իւրոց այր պատշաճող, և համբաւ հանէ զԱրայէ լիզուլ աստուածոցն և յարուցանել: Ունի ի ծածուկ, և ոչ ումեք ի ծանօթից նորա ցուցանէ զնա, և այնպէս հանէ համբաւ Արալեզաց տիկինն Շամիրամ:

Յայնժամ տիրեաց Շամիրամ ի վերայ երկրին Հայաստանեաց, և յայնմէնտէ Ասորեստանեաց թագաւորքն արեցին մինչև ցմեռանելն Սենեքարիմայ.

Անանուն պատմիչ, էջ 2-6.

7.

ԳՆԷԼ ԵՒ ՓԱՌԱՆՁԵՄ

Զայնու ժամանակաւ էր դռւար մի գեղեցիկ Անդովկայ ուրումն, մի ի նախարարացն նահատեաին Սիւնեաց,

որում անուն Փառանձեմ կոչէր, զորմէ կարի անուանեալ էր գեղեցկութեամբ և պարկեշտութեամբ: Ապա Գնէլ պատանեակն՝ եղրօրորդին արքային էառ զնա ի կնութիւն իւր: Եւ համբաւ գեղեցկութեան աղջկանն ընդ վայրսն տարածեցաւ, և համբաւ գեղոյ նորա յաճախեալ բազմանայր և հնչէր: Ապա առ համբաւ ցանկութեան անուանն տրփեալ լինէր միւս ևս հօրեղբօրորդին Գնելոյ, որում անուն Տիրիթ կոչէր: Կասն որոյ անկանէր ի գաղտագոյօնս, մինչ զի զնուն իւր տեսանել կարասցէ: Եւ յորժամ կարացն տեսլեանն որում ցանկայր, այնուհետև հնարս խնդրէր առն կնոջն կորստեան. ո գիտէ, զիին նորա նմա հնար լիցի յափշտակել:

365 Ապա Տիրիթն ի հնարս նենգութեան մտանէր, և բազում վարձէր իւր օգնականս և սատարս, որով զիւր չարխուութիւնն յառաջ վարել կարասցէ: Եւ քսիս ստութեան զԳնելոյն նենգութեամբ առ թագաւորն Արշակ մատուցանէր, թէ Գնէլ թագաւորել կամի և զքեզ սպանանել. և ամենայն մեծամեծք և նախարարք և աղատք սիրեն զԳնէլ և ամենայն աշխարհիս նախարարք կամին զտէրութիւն նորա ի վերայ իւրեանց առաւել քան զքո: Արդ, ասեն, զիտեան և տես, արքալ, զինչ գործեցես. որպէս և կամիս, զիարդ մարթացիս ապրել: Եւ այսպիսի բանիւրք զրդուին զթագաւորն Արշակ, մինչև հաստատէին ի միտս թագաւորին զիւրեանց ասացեալուն:

Ապա ոխացեալ թագաւորն ընդ պատանեկին Գնելոյ, և բազում անգամ հալածական առնէր զնա. և նիւթեալ լինէր նենգութիւն բազում ժամանակս: Ապա զնաւասարդաց ժամանակօքն առնէր խորհուրդ թագաւորն Արշակ, կոչել առ ինքն զպատանեակն Գնել և սպանանել: Ապա առաքէր զՎարդան զեղբայր սպարապետին զնահապետ ազգին մամիկոնեան տոհմին, զի մեծաւ երգմամբ և նենգութեամբ կոչել կարասցէ. զի մի խորհուրդն յալտնեացի. զուցէ փախսիցէ և ապրիցի. այլ զի պատրանօք և հրապուրանօք ածիցէ մինչև ի տեղին մահուն: Եւ էր բանակ թա-

գաւորին ի Շահապիվանի ի բուն բանակի տեղսն Արշա-
կունեացն ի ներքոյ սիւսեացն և ի վերայ ասպարխսացն:
Եւ առաքեալ զվարդանն, զմեծ նահապեան յարքայէն Ար-
շակայ, եկն եղիտ զպատանեակն Գնել ի մօտաւոր տեղ-
ւոջն, այս ինքն ի գեւդն Առաւիւտոց անուանեալ: Մեծաւ
ուխտիւ և բազում պատրանօք զպատանեակն Գնել հան-
դերձ իւրով կնաւն և զրամքն հաւանեցուցանէր երթալ հա-
սանել ի բանակն արքունի, իրբե այն թէ ի մեծարանս
ինչ զնա կոչիցէ թագաւորն, բազում վնդանօք տարեալ
հասուցանէր, եթէ թագաւորն Արշակ ոչ կամեցեալ զտօնս
Նաւասարդաց առանց քո անցուցանել, զի հաճեալ և քաղցրա-
ցեալ է ընդ քեզ. վասն զի ըստ բանից չարախօսացն ոչ
ինչ գտաւ ի քեզ չարութիւն, և եհաս ինքն ի վերայ, զի
զուր ցայժմ ատէր զքեզ, որ ի նմանէն մեծ սիրոյ ար-
ժանի ես:

Ապա չուեաց ամենայն կազմութեամբն իւրով Գնել
երթեալ հասանէր ի բանակն արքունի զգիշերն ամենայն
բազում փութով տագնապաւ: Վասն զի վաղիւն հասելոյ
առաւոտուն օրն լուսանայր կիւրակէն:

Իսկ իրբե առաւոտն ծագեաց, հասանէր վաշտն Գնե-
լոյ ի բանակն արքունի, և մինչ Գնելն արքունական բա-
նակին լինէր միջամուխ, ազդ լինէր թագաւորին եկն նո-
րա: Ապա ելանէր հրաման յարքունուստ, արտաքս ունել
և տանել սպանանել: Եւ մինչեռ գայր նա ընդ բանակա-
մէջն, և էր հեծեալ յերիվարին իւրում, իրբե մերձ եղե ի
հրապարակն արքունի, և անդ ի յարքունուստ հասանէին
բազում սպասաւորք վառեալք սուսերաւորք նիզակաւորք
վաղրաւորք սակրաւորք սունաւորք և սպարակիրք հետե-
ւակք, որք մատուցեալք բուռն հարեալք ընկենուին յե-
րիվարէ անտի զպատանեակն Գնել. և ձեռն յետս կապէին
զնա, և առեալ գնային ի տեղի կառափելոյն:

Եւ քանզի կին նորա եկեալ էր ընդ նմա ժանուարաւ,
ի նմին ի նորին վաշտու էր ընդ առն իւրում, իսկ իրբե
տեսանէր թէ կալան զայր իւր և կապեցին, վաղվաղակի

ընթացաւ յեկեղեցախորանն... հասեալ առ արքեպիսկոպո-
սապեան (Ներսէս), գոլժ արկանէր նմա զիւրոյ առնն տա-
րապարտ կորուստն, ճշեալ մհծանայն. Վաղ հասիր, ասէ,
դեռ զամուսինն իմ զուր առանց ֆնատու և յանցանաց
խողխողեն: Իսկ նորա խափանեալ զպաշտօնն, ընթանայր
ի խորանն արքունի, հասեալ ի դրացն ի ներքս, առ թա-
գաւորն անկանէր: Իսկ թագաւորն իրբե տեսանէր զմեծ
քահանայապետն, զիացեալ զբարեխօսութիւն համոզելոյն
վասն առնն մտհուանն զի մի մեոցի, յայնժամ թագաւորն
զիւր սամոյրան զգլխովը ածեալ ի փոյքինջանն մտեալ
զիւր դէմս երեսացն ծածկէր, քնոյ պատճառ եղեալ, զի
զնորա բանսն մի լուփէ:

Իսկ զպատանեակն Գնել առնոււն գնային մօտ ի
սիւսն արքունի, և անդէն կառափէին ի սարակ լերինն,
որում տեղւոյն Լսին անուանեալ է, մօտ յորմածգ արգե-
լոցացն որսոյն երէոցն, ընդգէմ մուրտաստանին ազբերացն
բազմոցացն արքունի, լանդիման բանակետեղ բնին:

Ապա հրաման եղե յարքայէն. Ամենայն մարդիկն որ
իցեն ի բանակին, մեծ և փոքր առ հասարակ, մի ոք իշ-
խեսցէ չերթալ. այլ ամենայն ոք առ հասարակ երթիցեն
գիցեն աշխար կոծոց, և լացցեն զԳնել մեծ սեպուհն արշա-
կունի զպանեալն: Իսկ ինքն թագաւորն գնացեալ ի լա-
լիսն, նստեալ լայր զեղբօրորդին իւր, զոր ինքն եսպան:
Երթեալ նստէր մօտ առ զին, լայր ինքն, և տայր հրաման՝
կոծ մեծ և աշխար զնել շուրջ զսպանելով դիակամբն: Իսկ
կինն սպանելոյն Փառանձեմն զհանդերձն պատառեալ,
զգէսս արձակեալ, մերկատիզ ի մէջ աշխարանին կոծէր.
ձայն արկանելով ճչէր, լողբս արտասուաց լաղիողորմ գու-
ժի առ հասարակ զամենեսեան լացուցանէր: Իսկ թագա-
ւորն Արշակ ի լալիսն տեսանէր զկինն սպանելոյն, տոփէր
և ակն զնէր՝ տոնուլ զնա իւր կնութեան:

Իսկ այն որ զնենքութիւն քսութեանց նիւթեաց, և
գաւով ի վերայ իւրոյ հարազատին սպանութիւնս կատա-
րեաց, վասն նորին կնոյն արար զայն, զի մեծապէս սիրով

հարեալ էր ի նմա: ԶՏիրիթն ասեմ, «ո յառաջագոյն հարեալ ի կնոջն յայնմիկ, վասն որոյ զնենդութիւնս սպանութեանցն թագաւորաւն գործեաց: Իսկ մինչդեռ ի նմին կոն սաստկացեալ էր, Տիրիթն սկսանէր ժոյժ չունելոյ տոփանացն: Պատգամ յղէր առ կին մեռելոյն. ասէ՝ զի մի կարի զանձն քո աշխատ առներ արդչափ, զի ալր բարի ևս եմ քան զնա. ես սիրեցի զքեզ, վասն այսորիկ մատնեցի զնա ի մահ, զի զքեզ առից ինձ կնութեան: Արդ մինչդեռ կոծ մոլութեան զդիակամբն ջայլէին, զայսպիսի պատգամս առաքէր Տիրիթն, Բողոք բառնայր՝ թէ լուարուք ամենեքեան, զի մահ առն իմոյ վասն իմ եղև. զի որ ինձ ակն եղ, վասն իմ զայրն իմ ետ սպանանել: Զհելն փետէր, ճչէր ընդ կոծելն:

Ապա իբրև մեծ իրքն համարձակ յայտնեցան ի լսելիս ամենեցուն և ի ձայնարկութն ամենայն, եղև նա մայր ողբոցն, և ձայնարկութն ամենայն ի ձայն ողբոցն սկսան նուագել զիրսն արփանացն Տիրիթայ, զակն դնելն, զքութիւնն, զնարս մահու նիւթել, զսպանումն, ձայնիւքն մրմնջոցն ի վերայ սպանելոյն ի մէջ կոծոյն բարբառէին գեղեղեալ խանդաղատութեամբ: Ի նուածել իւրեանց ձայնիցն, իրքն յայտնեալ հոչակ հարկաներ: Զոր իբրև լուար թագաւորն Արշակ, և եհաս ի վերայ իրացն, զարմացեալ մինէր արմանայր ընդարմանայր, ստրջացեալ ի միտ առնոլր զիրսն: Ապա խօսել սկսանէր թագաւորն, ծափս զծափի հարեալ մեծաւ զդշմամբ ընդ իրսն՝ զոր գործեաց, ասէ՝ վասն զի ի կնոջն Գնելոյ անարժան սիրով հարաւ Տիրիթն, առ այնմ զչարիսն նիւթեաց՝ զքութիւն, զմահուն գոռութիւն զուր և տարապարտ, և զմեղ ևս արդար արեանն շաղախեաց վասն իւրոյ պղծութեանն. զեղբայրն իւր ետ կոռուսանել և զանհնարին չարիսն և զանէծու՝ որ ոչ անցանեն, ետ մեղ ժառանգել:

Ապա իբրև հասանէր թագաւորն յիրացն հաստատութեան ի վերայ, և ճշգրտէր զիրսն, խլխեալ անսայր բանին առ ժամանակ մի: Իսկ իբրև զմեռեալն ծածկեցին ան-

դէն ի տեղւոջն, յորում սպանաւն, և աւուրք հարուստ անցին ի վերայ իրացն գործելոց, պատգամ յղէր Տիրիթն առ թագաւորն. Կամ լիցի, ասէ, քեզ արքայի, զի հրաման տացես՝ զՓառանձեմ կին Գնելոյ թող առից ինձ կնութեան: Զոր իբրև լուեալ արքային, ասէ. Արդ հաստատ գիտեմ զոր լուայն թէ ստոյգ է. վասն կնոջն իւրոյ եղև մահս Գնելոյ: Եւ անդէն արքայն մահ խորհէր, սպանանել զՏիրիթ ևս փոխանակ ընդ մահուն Գնելոյ: Զոր իբրև լուար Տիրիթ, զահի հարեալ յարքայէն, գիշերի փախստական լինէր: Ապա աղդ լինէր թագաւորին Արշակայ փախուստն Տիրիթայ. տայր հրաման թագաւորն Արշակ աղատագունդ բանակին զհետ լինել Տիրիթայն. զի իբրև հասցեն նմա, անդէն ի տեղւոջն սպանցեն: Բաղումք և քաջք զհետ լինէին փախուցելոյն Տիրիթայ. ապա երթեալ հասանէին ի գաւառին Բասենոյ, ի մէջ մայրեացն, ի տեղւոջն՝ յորում հասանէին, անդէն զՏիրիթ սպանանէին:

Եւ յետ այսորիկ էառ իւր Արշակ զկինն սպանելոյն զՓառանձեմն: Եւ ոչչափ սիրէր արքայն Արշակ զկինն, նոյնչափ ատեաց կինն զարքայն Արշակ, ասելով թէ թաւէ մարմնով և թուխ է գունով: Ապա իբրև կինն ի նա ոչ յանգոյց զմիտս իւր, առաքեաց արքայն Արշակ յերկերն Յունաց և խնդրեաց էած անտի կին ի կայսերական տոհմէն աղգաւ, զի անուն էր նորա Ողոմպի: Եւ ուժգին սիրով սիրեաց զնա, և նախանձուկս արկանէր նովաւ առաջին կնոջն. և կինն Փառանձեմ ոխացաւ ընդ Ողոմպին և խնդրէր սպանանել զնա դեղովք: Իբրև ոչինչ հնարս մեքենայից չկարէր գտանել, վասնզի անձինն իւրում կարի զգոյշ կայր, մանաւանդ ի կերպակոց և յըմպելեաց, բայց զիւրոց նաժշտացն կերպակուրս արարեալ և կամ զնոցին պարզեալ զգինի ճաշակէր. և եթէ ոչ ինչ գտանէին հնարք զեղել զնա մահուան զեղոքն, ապա զրան երէց ոմն արքունի՝ որ էր ի ժամանակին յայն, որում անուն Մըջիւնիկ, յԱրշամունեաց տեղեացն, ի նահանդէն Տարօն գաւառէն, զնա ի բանս արկանէր Փառանձեմն անօրէնն: Ընդ տէրունական

ընդ սուրբ ընդ աստուածական մարմինն ընդ հացն օրինաց խառնէին զգեղն սատակման, երէցն Մրջելով անուն, տալով յեկեղեցւոջն Ողոմպիայ տիկնոջն ընձեռել զմահուն գործ և սպանանէր: Ըստ չարեացն կատարելոց զՓառանձեմայն ամենայն չարեօք լցեալ զկամս կատարէր և յանօրէն Փառանձեմայն պարզե առեալ չերիցուն զգեւլն՝ ուստի ինքն էր, ի նահանգէն Տարօն գաւառէն, որում անուն Գոմկունք կոչին:

Բուգ. Դ. մե.

8.

Ա. Ա. Բ. Մ. Ա. Շ. Թ. Ա. Յ. Ի.

Առն՝ զոր ի նախակարդ բանիս նշանակեմք, վասն որոյ և փոյթ արարեալ մեր պատմելոյ, էր Մաշթոց անուն, ի Տարօնական գաւառէն, ի Հացեկաց գեղջէ, որպի առն երանելոյ՝ Վարդան կոչեցելոյ: Ի մանկութեան տիսն վարժեալ հելլենական դպրութեամբն, եկեալ հասեալ ի գաւառն Արշակունեաց թագաւորաց Հայոց Մեծաց, կացեալ յարքունական դիւանին, լինել սպասաւոր արքայատուր հրամանին, առ հազարապետութեամբն աշխարհիս Հայոց՝ Առաւանայ ուրումն: Տեղեկացեալ և հմուտ եղեալ աշխարհական կարգաց, ցանկալի եղեալ զինուրական արուեստիւն՝ իւրոց զօրականացն, և անդէն ուշ եղեալ փութով ընթերցուածոց աստուածելին գրոց, որով առ ժամայն լուսաւորեալ և թեամուխ միջամուխ յաստուածատուր հրամանացն հանգամանս, և ամենայն պատրաստութեամբ դանձն զարդարեալ, հարկանէր զիշանացն սպասաւորութիւնսն:

Եւ յետ այնորիկ ըստ աւետարանական չափուցն՝ ի ծառայութիւն Աստուածոյ մարդասիրին դարձեալ, մերկանոյր այնունեալ զիշանակիր ցանկութիւնսն և անդէն վաղվաղակի ի միայնակեցական կարդ մտանէր: Եւ գտեալ

և զոմանս՝ յինքն յարեցուցանէր, աշակերտեալ նմին սովորական աւետարանութեան:

Առեալ այնունեալ երանելոյն զհաւատացեալս իւր, գիմեալ իջանէր յանկարգ և յանզարման տեղիս Գողթան: Վաղվաղակի զաւետարանական արուեստն ի մէջ առեալ ձեռն արկանէր զգաւառովն, հանդերձ միամիտ սատարութեամբ իշխանին: Գերեալ զամենեսեան ի հայրենեաց աւանդելոց, և ի սատանայական դիւապաշտ սպասաւորութենէն՝ ի հնազանդութիւն Քրիստոսի մատուցանէր:

Եւ յորժամ ի նոսս զբանն կենաց սերմանեալ, նոյնպէս առաւել հոգ ի մտի արկանէր և ասէր հոգալով: «Տրտմութիւն է ինձ և անպակաս ցաւք սրտի իմոյ, վասն եղբարց իմոց և ազգականաց»:

Եւ այնպէս տրտմական հոգովք պաշարեալ և թակարդապատեալ և անկեալ ի ծուփս խորհրդոց, եթէ որպիս սի՞ արդեօք ելս իրացն գտանիցէ: Եւ իբրև աւուրս բազումս անդէն ի նմին զեգերէր, յարուցեալ այնունեալ հասանէր առ սուրբ կաթուղիկոսն Հայոց Մեծաց, որոյ անունն անաշէր Սահակ, զոր պատրաստական գտանէր նմին փութոյ հաւանեալ: Եւ միանգամայն յօժարութեամբ գումարեալ հանդերձ աղօթիւք մեծովիք առ Աստուած կանխէին, վասն ամենայն ոգեց քրիստոսարեր փրկութեանն հասանելոյ: և զայն առնէին աւուրս բազումս: Ապա ելանէր նոցաց պարզեական յամենաբարին Աստուծոյ ժողովել զաշշարհուոգ խորհուութիւն երանելի միաբանելոցն, և զիրս նշանագրոյ Հայաստան աղգին հասանել: բազում հարց փորձի և քննութեան զանձինս պարապեցուցեալ և բազում աշխատութեանց համբերեալ աղդ առնէին ապա և զկանխագոյն խնդրելին իւրեանց թագաւորին Հայոց, որոյ անուն կոչէր Վռամշապուհ:

Ցայնժամ պատմէր նոցա արքայն վասն առն ուրումն ասորոյ եպիսկոպոսի ազնուականի՝ Դանիէլ անուն կոչեցելոյ, որոյ յանկարծ ուրեմն նշանագիրս աղփարեաց հայերէն լեզուի [. . .], Եւ իբրև պատմեցաւ նոցա յարքայէ վասն

գրելոյն ի Դանիէլէ, յօժարեցին զարքայ՝ փոյթ առնել վասն պիտոյիցն այնոցիկ: Եւ նա առաքէր զոմն վահրիճ անուն հրովարտակօք առ այր մի երէց, որոյ անուն Հարէլ կոչէին, որ էր մերձաւոր Դանիէլի ասորւոյ եղիս կոպոսի:

Իսկ Հարէլին զայն լուեալ, փութանակի հասանէր առ Դանիէլն, և նախ ինքն տեղեկանայր ի Դանիէլէ նշանադրոյն, և ապա առեալ ի նմանէ առաքէր առ արքայն յերգոյն, և ապա առեալ ի նմանէ առաքէր առ արքայն յերգոյն, ի հինգելորդի ամի թագաւորութեան նորակիրն Հայոց, ի հինգելորդի ամի թագաւորութեան նորակիրն Հասուցանէր: Իսկ արքային հանդերձ միաբան սրբովն Սահակաւ և Մաշթոցիւ՝ ընկալեալ զնշանագիրսն ի Հարէլին, ուրախ լինէին:

Ապա առեալ երանելի հոգաբարձուացն զյանկարծագիւտն, խնդրէին հայցէին ևս յարքայէ մանկունս մատաղս, որով զնշանագիրսն մարթացեն: Եւ յորժամ բազումք ի նոցանէ տեղեկանային, ապա հրաման տայր ամենայն ուրեք նովին կըթել. որով և յաստիճան իսկ վարդապետութեան գեղեցիկ երանելին հասանէր. և իբրև ամս երկու կարգեալ զվարդապետութիւն իւր. և նովին նշանագրովք տանէր:

Իսկ իբրև ի վերայ հասեալ թէ չեն բաւական նշանագիրքն՝ ողջ ածել զիկուղորայս և զկապս հայերէն լեզոյն, մանաւանդ զի և նշանագիրքն իսկ յայլոց դպրութեանց քարեալք և յարուցեալք զիպեցան:

Յետ այնորիկ դարձեալ կրկին անգամ ի նոյն նոզս դառնային, և նմին ելս խնդրէին ժամանակս ինչ: Վասն որոյ առեալ երանելոյն Մաշթոցի դաս մի մանկուոյ՝ հրամանաւ արքայի, և միաբանութեամբ սրբոյն Սահակայ, և հրաժարեալք ի միմեանց համբուրիւ սրբութեանն՝ խաղայր զնայր ի հինգերորդ ամի վուամշապհոյ արքային Հայոց. և երթեալ հասանէր ի կողմանս Արամի՝ ի քարքաք երկուս Ասորոց, որոց առաջինն Եղեսիա կոչի, և երկրորդն Ամիդ անուն. — Ընդդէմ լինէր սուրբ եպիսկոպոսացն, որոց առաջն Բարիլաս անուն և երկրորդին Ակակիոս, հանդերձ

կղերականօքն և իշխանօքն քաղաքին պատահեալ, և բազում մեծարանս ցուցեալ հասելոցն, ընդունէին հոգաբարձութեամբ, ըստ Քրիստոսի անուանելոցն կարգի:

Իսկ աշակերտասէրն վարդապետին զտարեալսն ընդ իւր յերկուս բաժանեալ, զոմանս յասորի գպրութիւնն կարգէր, և զոմանս յունական դպրութիւնն, անտի ի Սամուսատական քաղաքն գումարէր, և նորա իւրովք հաւասարօք զովորականն առաջի եղեալ զաղօթս և զաքնութիւնն և զպաղատանս արտասուալից, զիստամբերութիւնն, զնոգս զաշխարհահեծս, յիշելով զասացեալսն մարգարէին, եթէ «Յորժամ հեծեծեսցես, չայնժամ կեցցես»:

Եւ այնպէս բազում աշխատութեանց համբերեալ վասն իւրոյ ազգին բարեաց ինչ օճան գտանելոյ: Որում պարզէր իսկ վիճակ յամենաշնորհողէն Աստուծոյ, հայրական չափուն ծնեալ ծնունդս նորոգ և սքանչելի սուրբ աջովն իւրով, նշանագիրս հայերէն լեզուին: Եւ անդ վազվաղակի նշանակեալ անուանեալ և կարգեալ, յօրինէր սիղորայիւք և կապօք:

Եւ ապա հրաժարեալ յեպիսկոպոսացն սրբոց, հանգերձ օգնականօք իւրովք իշանէր ի քաղաքն Սամոսացւոց, յորում մեծապատիւ իսկ յեպիսկոպոսէն և յեկեղեցւոյն մեծարեալ լինէր: Եւ անդէն ի նմին քաղաքի զրիչ ոժն հելլենական դպրութեան Հոռիանոս անուն գտեալ որով զամենայն ընտրութիւնն նշանագրոյն՝ զնրբագրյանսն, զկարձն և զերկանն, զառանձինն և զկրկնաւորն, միանգամացն յօրինեալ և լանկուցեալ, ի թարգմանութիւն գառնալին հանգերձ արամբք երկուք, աշակերտօքն իւրովք, որոյ առաջնոյն Յովիան անուն կոչէին, լեկեղեաց գաւառէն, և երկրորդին Յովսէփ անուն՝ ի Պաղանական տանէն: Եւ եղեալ սկիզբն նախ ըԱռակացն Սողոմոնի, որ ի սկզբանն իսկ ծանօթս իմաստութեանն ընծայեցուցանէ լինել, ասելով եթէ «Ճանաչել զիմաստութիւն և զիրատ, իմանալ զբանս հանձարոյց»: Որ և գրեցաւ ձեռամբն այնորիկ գրչի, հանգերձ ուսուցանելով մանկունս գրիչս նմին դպրութեան:

գրելոյն ի Դանիէլէ, յօժարեցին զարքայ՝ փոյթ առնել վասն պիտոյիցն այնոցիկ: Եւ նա առաքէր զոմն վահրիճ անուն հրովարտակօք առ այր մի երէց, որոյ անուն Հարէլ կոչէին, որ էր մերձաւոր Դանիէլի ասորւոյ եղիս կոպոսի:

Իսկ Հարէլին զայն լուեալ, փութանակի հասանէր առ Դանիէլն, և նախ ինքն տեղեկանայր ի Դանիէլէ նշանագրոյն, և ապա առեալ ի նմանէ առաքէր առ արքայն յերկիրն Հայոց, ի հինգերորդի ամի թագաւորութեան նորա՝ ի նա հասուցանէր: Իսկ արքային հանդերձ միաբան սրբով Սահակւ և Մաշթոցիւ՝ ընկալեալ զնշանագիրսն ի Հարէլէն, ուրախ լինէին:

Ապա առեալ երանելի հոգաբարձուացն զյանկարծագիւտն, ինդրէին հայցէին ևս յարքայէ մանկունս մատաղս, որով զնշանագիրսն մարթասցեն: Եւ յորժամ բազումք ի նոցանէ տեղեկանային, ապա հրաման տայր ամենայն ուրեք նովին կրթեր, որով ն յաստիճան իսկ վարդապետութեան գեղեցիկ երանելին հասանէր. և իբրև ամս երկու կարգեալ զվարդապետութիւն իւր. և նովին նշանագրովք տանէր:

Իսկ իբրև ի վերայ հասեալ թէ չեն բաւական նշանագիրքն՝ ողջ ածել զսիւղորայս և զկապս հայերէն լեզույն, մանաւանդ զի և նշանագիրքն իսկ յայլոց դպրութեանց քաղեալք և յարուցեալք դիպեցան:

Յետ այնորիկ դարձեալ կրկին անդամ ի նոյն հոգս դառնային, և նմին ելս ինդրէին ժամանակս ինչ: Վասն որոյ առեալ երանելոյն Մաշթոցի դաս մի մանկուոյ հրամանաւ արքայի, և միաբանութեամբ սրբոյն Սահակայ, և հրաժարեալք ի միմեանց համբուրիւ սրբութեանն՝ խաղայր գնայր ի հինգերորդ ամի վրամշապհոյ արքային Հայոց. և երթեալ հասանէր ի կողմանս Արամի՝ ի քաղաքս երկուս Ասորոց, որոց առաջինն Եղեսիս կոչի, և երկրորդն Ամիդ անուն: Ընդդէմ լինէր սուրբ եպիսկոպոսացն, որոց առաջնոյն Բարիլաս անուն և երկրորդին Ակակիոս, հանդերձ

կըերականօքն և իշխանօքն քաղաքին պատահեալ, և բազում մեծարանս ցուցեալ հասելոցն, ընդունէին հոգաբարձութեամբ, ըստ Քրիստոսի անուանելոցն կարգի:

Իսկ աշակերտասէրն վարդապետին զտարեալսն ընդ իւր յերկուս բաժանեալ, զոմանս յասորի գլուխթիւնն կարգէր, և զոմանս յունական գլուխթիւնն, անտի ի Սամուսատական քաղաքն գումարէր. և նորա իւրովք հաւասրոօք զովորականն առաջի եղեալ զաղօթս և զտքնութիւնս և զպազատանս արտասուալից, զիստամբերութիւնս, զհոգս զաշխարհանեծս, յիշելով զասացեալսն մարգարէին, եթէ «Յորժամ հեծեծեսցես, չայնժամ կեցցես»:

Եւ այնալէս բազում աշխատութեանց համբերեալ վասն իւրոյ ազգին բարեաց ինչ օճան գտանելոյ: Որում պարգեէր իսկ վիճակ յամենաշնորհողէն Աստուծոյ, հայրական չափուն ծնեալ ծնունդս նորոգ և սքանչելի սուրբ աջողն իւրով, նշանագիրս հայերէն լեզուին: Եւ անդ վազվազակի նշանակեալ անուանեալ և կարգեալ, յօրինէր սիրոբայիւք և կապօք:

Եւ ապա հրաժարեալ յեպիսկոպոսացն սրբոց, հանդերձ օգնականօք իւրովք իշանէր ի քաղաքն Սամուսացւոց, յորում մեծապատիւ իսկ յեպիսկոպոսէն և յեկեղեցւոյն մեծարեալ լինէր: Եւ անդէն ի նմին քաղաքի զրիչ ոմն հելենական դպրութեան հոռիանոս անուն գտեալ որով զամենայն ընարութիւնս նշանագրոյն՝ զնրբագրոյնս, զկարճն և զերկանն, զառանձինն և զկրկնաւորն, միանգամայն յօրինեալ և յանկուցեալ, ի թարգմանութիւն դառնային հանդերձ արամբք երկուք, աշակերտօքն իւրովք, որոյ առաջնոյն Յովհան անուն կոչէին, յԵկեղեց գաւառէն, և երկրորդին Յովսէփ անուն՝ ի Պաղանական տանէն: Եւ եղեալ սկիզբն նախ յԱռակացն Սողոմոնի, որ ի սկզբանն իսկ ծանօթս իմաստութեանն ընծայեցուցանէ լինել, ասելով եթէ «Ճանաչել զիմաստութիւն և զխրատ, իմանալ զբանս հանճարոյ»: Որ և զբեցաւ ձեռամբն այնորիկ գրչի, հանդերձ ուսուցանելով մանկունս զրիչս նմին դպրութեան:

Ապա յետ այնորիկ առնոյը թուղթս յեպիսկոպոսէ քաղաքին, և հրաժարեալ ի նոցանէ հանդերձ ամենայն իւրովքն, բերէր առ եպիսկոպոսն Ասորոց: Որ յորոց նախընկալն եղե, առաջի արկեալ նոցա զնշանագիրն աստուածատուր, վասն որոյ բազում իսկ գովութիւնք յեպիսկոպոսաց սրբոց և յամենայն եկեղեցեաց բարձրանային ի փառս Աստուծոյ և ի մխիթարութիւն աշակերտելոցն ոչ սակաւք: Յորոց թուղթս աւետագիրս հանդերձ շնորհատուր պարգևն և յամենայն իւրայիւքն, ի շնորհացն Աստուծոյ ճանապարհորդ լինէր, զօթևանօք անցեալ աջողութեամբ և հոգելից ուրախութեամբ եկեալ հասանէր ի Հայաստան աշխարհն, ի կողմանս Այրարատեան գաւառին, առ սահմանօք նոր քաղաքին, ի վեցերորդ ամի Վոամշապհոյ արքային Հայոց Մեծաց:

Եւ արդ եկեալ յիշելին մերձ ի թագաւորական քաղաքն, ազդ լինէր թագաւորին և սրբոյ եպիսկոպոսին: Որոց առեալ զամենայն նախարարագունդ աւագանւոյն ամրոխ, ի քաղաքէն եկեալ պատահէին երանելոյն՝ զափամբ Ռահ գետոյն: Եւ զցանկալի ողջոյնն միմեանց տուեալ ուստի և բարբառօք ցնծութեան և երգօք հոգեւորօք և բարձրագոյն օրէնութեամբք ի քաղաքն գառնային, և զաւուրս տօնական ուրախութեամբ անցուցանէին: Եւ ի ձեռն առեալ այնուհետեւ աստուածագործ մշակութեամբ զաւետարանական արուեստն՝ ի թարգմանել, ի գրել և յուսուցանել:

Յայնմ ժամանակի երանելի և ցանկալի աշխարհս Հայոց, անպայման սքանչելի լինէր, յորում անկարծ ուրեմն օրէնուույց Մոլսէս՝ մարգարէական դասուն, և յառաջադէմն Պաւոս՝ բովանդակ առաքելական գնդովս, հանդերձ աշխարհակեցոյց աւետարանաւն Քրիստոսի, միանդամայն եկեալ հասեալ ի ձեռն երկուց հաւասարելոցն՝ հայարարքառք հայերէնախօսք գտան.

Անդ էր այնուհետեւ սրտալիր ուրախութիւն և ակնավայել աեսիլ հայելոյն: Քանզի երկիր, որ համբաւուցն անդամ օտար էր կողմանցն այնոցիկ, յորում ամենայն

աստուածագործ սքանչելագործութիւնքն գործեցան, առժամայն վաղվազակի ամենայն իրացն եղելոց խելամուտ լինէր: Իսկ իրբե զչափ առեալ զիրացն հաստատութեան, և համարձակագոյն և առաւելագոյն զաշակերտութիւնն նորագիւտ վարդապետութեանն՝ խմբէին ուսուցանել և թեքել, և պատրաստական քարոզութեանն անգէտ մարդկան յօրինելու որոց և ինքեանք իսկ ի զողմանց և ի գաւառաց Հայաստան աշխարհին յորդեալք և դրդեալք հասանէին ի բացեալ աղբիւրն գիտութեանն Աստուծոյ: Քանզի լԱյրարատեան դաւառին, ի կայս թագաւորացն և քահանայապետացն, ըզիսեցին Հայոց շնորհք պատուիրանացն Աստուծոյ:

Եւ այնորիկ առնոյը հաւանութիւն երանելին Մաշթոց և հրաժարեալ ի նոցանէն հանդերձ այլովք ևս օգնականօքն, որոց առաջնումն Տիրալը անուն ի Խորձենական դաւառէն, և երկրորդին Մուշէ անուն ի նահանգէ Տարօնոյ, հանդերձ այլովք ևս սպասաւորօք աւետարանին, զոր չեմք բաւական ըստ անուանցն նշանակել, երթեալ իշանէր յառուստավին նողթան, յառաջին դաստակերտն իւր: Եւ կարգէր յամենայն գիւղս գաւառին՝ դասս սրբոց վանականաց:

Ապա յետ այնորիկ ի սահմանակիցս ի Սիւնական աշխարհն ելանէր, մինչև հասանել նմա բովանդակ ի վերայ սահմանաց Սիւնեաց. և ժողովեալ մանկունս առաւել զկագանամիտ զվարենագոյն զճիւղաբարոյ կողմանցն, դայեկարար սնուցանել և խրատել, ապա և զերկիրն Սիւնեաց դասուք վանականաց լնոյր:

Դարձեալ յետ ժամանակի ինչ ընդ մէջ անցելոյ, հոգի մտի արկանէր և վասն բարբարոսական կողմանն. և առնոյը կարգեալ նշանագիրս վրացերէն լեզուին: Գրէր, կարգէր և օրինօք յարգարէր. և առնոյը ընդ իւր զոմանս լրաւագոյնս յաշակերտաց իւրոց, յարուցեալ գնայր իշանել ի կողմանս Վրաց. և երթեալ յանդիման լինէր թագաւորին, որում անուն էր Բակուր, և եպիսկոպոսի աշխարհին՝ Մոլսէս: Եւ նորա զիւր արուեստն առաջի արկեալ՝ խրատէր յորդորելով. յորում և յանձն առեալ ամենեցուն զխնդրելին

կատարել: Եւ գտեալ զայը մի թարգման վրացերէն լեզուին,
որ անուանեալ կոչէր Զաղայ, այը գրադէտ և ճշմարտա-
հաւատ. հրաման տայը այնուհետեւ արքայն Վրաց՝ ի կող-
մանց կողմանց, և ի խառնաղանց գաւառաց իշխանութեան
իւրոյ՝ ժողովել մանկուսն՝ տալ ի ձեռն վարդապետին:
Զոր առեալ արկանէր ի բովս վարդապետութեանն: Իսկ
իրեւ ընդ ամենայն տեղիս Վրաց կարգեալ զգործ աստուած-
պաշտութեանն, այնուհետեւ դառնայը յերկիրն Հայոց:
Ապա դարձեալ ելանէր շրջել զտեղեօք կարգելեօք և
զգաւառոքն աշակերտելովք աշխարհին Հայոց, զուարթա-
ցուցանել նորոգել, հաստատել: Խորհուրդ առնոցը այնու-
հետև վասն կէս աղջին Հայոց, որ էր ընդ իշխանութեամք
թագաւորին Հոռոմոց: Եւ փութացեալ գնայը հանդերձ աշա-
կերոք բազմօք, անցանել ի կողմանս Յունաց: Հասանէին
ի թագաւորակաց քաղաքն Կոստանդինական, զորմէ իսկոյն
պատմէին յարքունիսն. և մտեալ առաջի պատուական
աթոռոյն՝ յանդիման լինէր աստուածակարդ թագաւորացն
և հայրապետին: Եւ ապա ցուցեալ կալսերն զպիտոյիցն
զհանգամանս և առեալ զանընդիմակաց հրամանն հան-
դերձ սակերոք կալսերագիր նշանակելովք՝ վասն մանկաւոյն
յաշակերտութիւնն, առ ի կէս աղջէն Հայոց ժողովելոյ:
յաշակերտութիւնն, համար կողմանս, և անդէն վաղվա-
գալին հասանէին ի համարիր կողմանս, և անդէն վաղվա-
գակի պատահեալ սպարապետին Հայոց, հանդերձ սակերոք
կայսեր յանդիման լինէին: Եւ նորա առեալ սակերս կայ-
սերական նշանօք, փութայը վաղվաղակի զհամանն կա-
տարել. և հրեշտակս արձակեալ այնուհետեւ ի գաւառու կէս
ապակին Հայոց, յիշխանութեանն կալսեր, բազմութիւն ման-
կրտոյ ժողովել:

Յետ այնորիկ հրաժարեալ բաղում աշեկերտօք գայլ
անդանէր ի կողմանս Հայոց Մեծաց. և հասեալ ի Նոր քա-

Ղաքն, յանդիման Մինէր սրբոյ եպիսկոպոսին Սահակայ և
թագաւորին Հայոց, որում անուն Արտաշէս կոչէին:
Դադարէր անդ աւուրս ինչ և ապա յետ այնորիկ հրա-
ժարեալ գնալ ի կողմանս Աղուանից, և երթեալ իշանէր
յաշխարհն, և հասեալ ի թագաւորական տեղիսն, տեսանէր
զուռը եպիսկոպոսն Աղուանից, որում անուն Երեմիա կո-
չէին, և զնոցին թագաւոր՝ որում Արսվադ էր անուն: Ապա
հարցեալ ի նոցանէ, առաջի եղեալ վասն որոյ եկեալն էր
Տային հրաման՝ ի գաւառաց և ի տեղեաց իշխանութեան
իրեանց, բազմութիւն մանկանց՝ յարուեստ դպրութեան
ածել:

ածել: Խաղացեալ գալը ի կողմանցն Աղուանից, անցանել յաշխարհն Վրաց, և հանդէպ հասեալ գալը Գարդմանական ձորոյն: Ըստ առաջ լինէր նմա իշխանն Գարդմանից, որում Խուրս կոչէին, առաջի դնէր զանձն վարդապետին, հանուրս կերձ իշխանութեամբն իւրով. առաւելագոյն իսկ վայելեալ ի հիւթ և ի պարարտութիւն վարդապետութեանն, լուղարկէ զերանելին՝ ուր և երթալոցն էր:

Յետ այսորիկ ուշ եղեալ երկցունց երանելաց
զիւրեանց ազգին զգպըռութիւն առաւել յարգել և դիւրացու-
ցանել, ձեռն ի գործ արկանէր ի թարգմանել և ի զըել
մեծն Խսահակ՝ ըստ յառաջադրյն սովորութեանն. Որոց
դարձեալ դէպ լինէր եղբարս երկուս յաշակերտացն՝ յու-
ղարկել ի կողմանս Ասորոց, ի քաղաքն Եղեսացւոց, զօպվ-

սէփ և երկրորդն Եղնիկ անուն, յԱյլարատեան գաւառէն, ի Կողը գեղջէ, զի յասորական բարբառոյն զնոցին հարցն սրբոց գաւանըութիւնս՝ հայերէն զընալս դարձուացեն:

Իսկ թարգմանչացն հասեալ՝ ուր առաքեցանն և կատարեալ զհրամանսն, և առ պատուական հարսն առաքեալ անցեալ գնային ի կողմանս Յունաց, ուր և ուսեալք և տեղեկացեալք, թարգմանիչս կարգեին ըստ հելենական լեզուին: Յետ այնորիկ հաստատուն օրինակօք աստուածառուր գրոցն և բազում շնորհագիր հարց յետ այնոր աւանդութեամբք գալին երևելով աշխարհին Հայոց, և առաջի դնէին հարցն զբերեալ կտակարանսն:

Իսկ երանելոյն Սահակայ զեկեղեցական գրոց գումարութիւնն՝ կանխաւ [ի] յունական բարբառոյն ի հայերէն դարձուցեալ, և բազում ևս զհալբապետաց սրբոց զճշշմարիտ զիմաստութիւնն: Դարձեալ յետ այնորիկ առեալ հանդերձ Եղնակաւ՝ զյառաջագոյն զյանկարծագիւտ զփութանակի զթարգմանութիւնս, հաստատէր ճշմարիտ օրինակօք բերելովք, և շատ ևս մեկնութիւն գրոց թարգմանէին: Եւ այնպէս զամենայն ժամանակս իւրեանց՝ լընթերցուածս գրոց ծախէին հարքն՝ զտիւ և զգիշեր:

Ապա՝ յետ դարձեալ՝ այնպիսի առաւել և բարձրագոյն վարդապետութեամբն՝ սկսեալ երանելոյն Մաշթոցի ճառս յաճախագոյնս, դիւրապատումս, շնորհագիրս, բազմագիմիս կարգել և յօրինել, լի ամենայն ճաշակօք: Եւ այնպէս զամենայն կողմանս Հայոց, Վրաց և Աղուանից, զամենայն ժամանակս կենաց իւրոց, զամառն և զձմեռն, զտիւ և զգիշեր, անվեներ և առանց յապաղելոյ իսկ:

Յետ այնորիկ դէպ լինէր նովին ճշմարտութեամբ՝ երանելոյն Սահակայ լցեալ աւուրբք երկայն ժամանակօք, և վայելչացեալ աստուածաբեր պտղոցն բարութեամբք, յառաջնումն ամի Յազկերափ՝ որպազ Նամայ՝ թագաւորի կացելոյ ի Պարսից աշխարհին, ի Բագրաւանդ գաւառի, ի զիւղ Բլրոցաց, ի կատարել ամսեանն նաւասարդի, որպէս և զօր Ճննդեան երանելոյն յիշէին, յերկրորդ ժամու աւուրն, ի

պաշտաման անուշահոտ իւղոյն, հանդերձ աստուածահաճոյ աղօթիւք՝ ծերունուոյն ի Թրիստոս աւանդեալ:

Իսկ երանելի զուգականին լուեալ, զՄաշթոցէ ասեմ, բազում անձկալուեց տրտմութեամբ և արտօսրագութ ողբովք և ծանրաթախիծ ոգովք պաշարեալ դնէր: Անդէն ի նմին ամի, յետ ամսոց վեցից անցելոց վախճանի երանելոյն Սահակայ, լինէր հանդերձ սրբով վարդապետով բանակն Հայոց յԱյլարատեան ի Նոր քաղաք, և նովին հոգեկրօն վարուք հասանէր սրբոյն քրիստոսակոչ կատարումն, յետ սակաւ ինչ աւուրց հիւանդութեանն, յերեքտասաներորդում ամսեանն Մեհեկանի: Զոր առեալ Վահանայ և Հմայեկի կազմութեամբ վախճանելոյ, հանդերձ աշխարհական ամբոխիւ, սաղմոսիւք և օրհնութեամբ, և հոգեոր ցընծութեամբ, կանթելոք վառելովք և ջահիւք բորբքելովք և ամենայն լուսաճաճանչ զնդիւն, յՕշականն ելանէին, և անդի մարտիրոսարանն մատուցեալ զօրինաւոր յիշատակն կատարեալ:

Իսկ յետ երից ամաց անցելոց, յաջողեցան Վահանայ Ամատունւոյ խորան սքանչելի կանգնել տաշածոյ վիճօք քանդակելով և ի ներքսագոյն խորանին զսրբոյն հանդիսան յօրինեալ:

Եւ արդ լինի համար հաւատոց երանելոյն ամք քառասուն և հինգ. և ի զպրութենէն Հայոց մինչև ցվախճան սրբոյն՝ ամք երեսուն և հինգ:

Կորիւն

9+

ՏԵՍԻԼ.Ք. ՔԱՂԱՔԱՑ

Ազգի ազգի տեսիլք մոլեգինք լինին ի քաղաքս բազումս, և յայգուէ մինչև ցերեկոյ միտ եղեալ պշուցեալ հային իբրև ի զարման իմն և ի կերակուր աչաց ցանկութեամբք բնակիչք նոցա, և լսել անդադար զձայնս աղտե-

ով երգոց՝ որ լնուն արկանեն ի լսելիս նոցա զյիշատակութազմաց աղտեղութեանց, որ մտանեն բունեն յըշտեմաւանս սրտից և մտաց. և այնպէս անյագ են լսել զլուրն մսասակար: Եւ այլք՝ որ ոչ էին անդր մօտ, երանի ևս տան բաղմամբով ժողովոցն, որ երթեալ կցորդեալ կոպնեալ կան առ մնասակարսն: Եւ կէսքն զշահ ևս վաճառացն, զոր ժողովեն միշտ ի հրապարակաց, թողուն և երթան անդր դատարկանան. և կէսքն զգործ արուեստից, որ գտանեն զդարձան կենաց իւրեանց: Եւ այսու ամենայնիւ սնոտի ցանկութեամբ զաւուրս կենաց ժամանակաց իւրեանց յունայնութիւն և ի սնոտիս ծախեն:

Եւ զայն ոչ առնուն ի միտ, թէ գուսանութիւնն իւրովք պատիր արուեստիւք զապականութեան նշանակ դործէ ի տեսողս իւր, և իրք առականաց են անդ, որոց պառջի ամենայն մարդկան դնին ծանակութիւնքն: Եւ այնառաջով միաժողով միանդամայն նստին բազումք դեզերեալք ժամանակեալք ի մի ժամադրութիւն՝ լսել և տեսանել զապականութիւն աղտեղութեանց: Զի ձայնք երգչացն պէս սպառնութիւն գեղգեղեալք, և բարբառք լորստացն տեղի ամենայնիւ: Բարի և գեղեցիկ է դարձեալ ծով, որ ասպնջական է հիւրամեծար գետոց բազմաց, որ յամենայն տեղեաց մտանեն ի նա: Առնու ամփոփէ զամենեսին, և ինքն կայ ի նոյն սակի և ի նոյն սահմանի առանց թերութեան, յաւելուածութեան: Բարի և գեղեցիկ է դարձեալ ծով, զի նա է ակն գլասաւոր՝ ջուրցն օդոց, որ պարզին ելանեն ի նա ձառագայթիւք արեգական, լառնուլ ընդ աղօտ ի նուրբ ջերմութեամբն քաղցրացուցանել զջուրսն քաղցրացուցիչ տապովն, որ ձգին ելանել ի բարձունք արեգականն, և ապա դառնան հովանական հովանիօք ամպոց, որ զնոսա ընդունին, ի շնչել հողմոց ամպավարաց, և ապա գան հաստանեն ջուրքն լինել յանձրեալ, թանան զերկիր և արբուցանեն զնա:

Բարի Վեցօրեայ, էջ 66

10.

ԲԱՐԻ ԵՒ ԳԵՂԵՑԻԿ Է ԾՈՎ.

Բարի և գեղեցիկ է ծով ի խաղաղ ժամանակի, յոր ժամ հանդարտացեալ կայցէ լալեաց և ի մըրկաց ի պարզ և յստակ ժամանակի. յորժամ միտ եղեալ նայիցիս ընդ ծիս ջուրց նորա, որ լազգի ազգի գոյնս ցուցանեն զերփն նարօտուց, մերթ ծիրանւոյ, մերթ կապու-

տակի, մերթ սեաներկ երանգաց. և յորժամ քաղցրաշունչ սողով վէտս վէտս զմկանունս ճօճեալ ճեմեցուցանիցէ. յորժամ ոչ բռնութեամբ օդոյ յանդկնութեան ծփեալ կոչիցէ զերկիր՝ զիւր դրացի, այլ խոր խաղաղութեամբ և ջերմեռանդ սիրով գիրկս արկեալ պատեալ կայցէ զցամաքաւուն:

Առաջին գեղեցկութիւն ծովու այս է, զի նա է ակն մեծ խոնաւութեան ջուրցն բազմութեան, և յաներեսոյթ և յանգունդս են գնացք իւրոյ յորդութեան, որպէս յայտ առնեն փորուածք երկրի և ցնցղկաձև երակք՝ որ են ի միշի նորա: Զի ջուրք ծովու փորեն ծակոտեն զերկիր, որ և գնան ի նմա մանուածապատ շրջին կրծին ընդ վայրս բազումս, մինչ քամին պարզին աղի ճաշակքն և դառնութիւնք, և ապա բիեն ի ներքոյ ի վեր քաղցր և անուշ ճաշակօք, և առնին ըմպելի ուրախարար առենայնի, որ զեռան յերկիր:

Բարի և գեղեցիկ է դարձեալ ծով, վասն երազընթացն՝ գնացից ջուրցն անդնդոցն, որ պայմանաւոր չափով բաժանին բաշխին ընդ ամենայն կողմանս, լինել հանգիստ ամենայնիւ: Բարի և գեղեցիկ է դարձեալ ծով, որ ասպնջական է հիւրամեծար գետոց բազմաց, որ յամենայն տեղեաց մտանեն ի նա: Առնու ամփոփէ զամենեսին, և ինքն կայ ի նոյն սակի և ի նոյն սահմանի առանց թերութեան, յաւելուածութեան: Բարի և գեղեցիկ է դարձեալ ծով, զի նա է ակն գլասաւոր՝ ջուրցն օդոց, որ պարզին ելանեն ի նա ձառագայթիւք արեգական, լառնուլ ընդ աղօտ ի նուրբ ջերմութեամբն քաղցրացուցանել զջուրսն քաղցրացուցիչ տապովն, որ ձգին ելանել ի բարձունք արեգականն, և ապա դառնան հովանական հովանիօք ամպոց, որ զնոսա ընդունին, ի շնչել հողմոց ամպավարաց, և ապա գան հաստանեն ջուրքն լինել յանձրեալ, թանան զերկիր և արբուցանեն զնա:

Բարի և գեղեցիկ է դարձեալ ծով, զի է պատճառք բարի, զի պնդէ ամբացուցանէ զկողիսն՝ որ ի միշի նորա,

և պահին առանց վնասու, և առանց նենգութեան կերակրին ի նմանէ իբրև ի ցամաքի, և առնին ի նմա գեղեցիկ օթեւանք տեղողչէ ի տեղի, և ի հանգիստ այնոցիկ, որք շըջին ի նմա:

Բարի և գեղեցիկ է դարձեալ ծով, զի է պատճառք բարի. քանզի նովին ընտրին և սահմանին աշխարհք ի միմեանց: Եւ է դարձեալ ճանապարհ լատակեալ ի շահ վաճառականաց, և ամենայն կերպարանօք լցուցիչ է կարօտութեան մարդկան: Շահ մեծաշահն է մեծատանց՝ բերելով զվաճառն ազգի ազգի, դարմանիչ և կերակրիչ է աղքատաց, զի գտանեն ի պատճառս նորա զպէտս կարօտութեան կենաց իւրեանց:

Եւ ես զի՞նչ իցեմ տկար մի տառապեալ՝ կալ ճշգրտիւ պատմել զմեծապայծառ գեղ վայելչութեան ծովու

Բարսդի Վեցօնեայի, էջ 78—80.

11.

ՓԱՌ-Փ ՄԱՐԴԿԱՆ

Ամենայն մարմին խոտ է և ամենայն վայելչութիւն մարդոյ իբրև զծաղիկ խոտոյ: Եւ արդ միտ եղեալ նայեսցուք, զի սակաւորեայ կարճակեաց նուազ ուրախութեամբ է ազգ մարդկան. զի ամենայն հանգիստք և ամենայն ուրախութիւնք նոցա ի սակաւ աւուրս և ընդ հուտ ժամանակս սպառեալ պակասին. իբրև դալարի բուսեալ և իբրև զիսոտ ծաղկեալ թառամենալ խամրին, և ամենայն վայելչութիւն նոցա իբրև զերալ թուանի: — Նայեսցուք այսուհետեւ և ընդ մարդ ի ժամանակ ողջութեան. զինարդ է առաջ մարմով, զուարթ երեսօք, զունեան զունով, հզօր զօրութեամբ, զուարճալից բերկրութեամբ, կայտառ ի մանկութեան, շոյտ յերիտասարդութեան, գրգեալ գրգանօք, փափկասուն, փափկակեաց, բարեկեցիկ, դիւրասնունդ, երանիկ, երջանիկ, չարալօժար և մեղսամէր: Եւ այսու ամենայնիւ

մինչ դեռ զուարճացեալ վայելիք՝ յանկարծակի վաղվաղակի հասանէ ի թշուառութիւն, վատէ ի զօրութենէ, անկանի ի կենաց, ծնզի, ծիւրի, հիւանդութեամբ ջերանի, յաղթի և թերևս սակաւակեաց աւուրբք վճարի:

Նայեաց գարձեալ ընդ մեւս ևս՝ որ սմին նման է. մեծատուն ընչաշատ, խաշնաւէտ, նշանաւոր, երևելի, տէր ծառայից և աղախնեաց, յոր եկեալ յեցեալ և թիկունս արարեալ վասն մեծութեան՝ օտարաց և պանդիստոց. կէսքն շութափեն, կէսքն հպատակութիւն մատուցանեն, կէսքն սեղանակիցք լինին, կէսքն ակնառութիւնս կատարեն, կէսքն առաջի սուրբանդակք, կէսքն յետոյ ունին պատիւ, ընթանան աստի և անտի, շուրջանակի բարեկամք և բարեսացք, և բազում ազգատոհմս և թալրաթուտք: Եւ նորա այսպէս թուի, եթէ նորա է աշխարհս գոյիւ իւրով. և այսպէս խաղացեալ երթան զհետ նորա բազմամբոխ ժողովուրդք մարդկան. զոմանս ի գործ առնէ, զոմանս ի ճանապարհ, և բազումք անդէն շուրջ զնովաւ նմին սպասիկք. և ամենեին նախանձելի է ամենեցուն, որ պատահին նմա:

Յաւել գարձեալ ի վերայ այսր մեծութեան զիշխանութեանն մեծութիւն և զպատիւս արքունականս, լինել զօրագլուխ զօրաց, հրամանատար աղգաց, դատաւոր քաղաքաց, առնուլ յանձն և պատուեալ յօրինեալ սպասուք, հրապարակացն յարդարելոյ, փողոցացն զարդարանաց, ճանապարհացն յատակելոց, գուեհացն մաքրեցելոց, յօրինեալ կարգօք սպասաւորացն՝ որ կարգեալ տողեալ երթան զերկայնաձիգ հրապարակսն:

Եւ այսպէս խաղացեալ երթան մեծաւ շքով և բազում պատուով. քարոզքն առաջի աղաղակին, մի մի զգեղգեղեալ բարբառս նուագեն, որոտան, հնչեն, լնուն աղաղակաւ զհրապարակսն: Աստի անտի նուիրակք հպատացեալք ամբարհաւածեալք ստիպեն ձեպեն, զիստանդան ամբոխն ի բաց պարզեն. նկարեալ ունին յաչս և յերեսս զահ և զերկեղ սպառնալեացն, արկանել շտապ տագնապի ամենեցուն, որ խառնիխուռն նոցա ի դիմի հարկանիցին: Անդ

են տեսիլք ահագինք և արհաւիրք սրտաբեկութեան, կապանք շղթայից և պէսպէս կերպարանք հարուածոց, տանը ջանք ազգի ազգի, մահք դառնաշունչք. և ժողովք ոամիկ մարդկան սրտաթափ սրտաբախ լինին յահէն և յերկիւղէն ի միոջէ ի վիշապաշունչ բարբառոյն՝ իւրեանց ազգին և նմանոյ: Եւ այլ զի՞նչ ևս:

Յետ այսր ամենայնի գայցէ հասանիցի ի վերայ հպարտացեալ աչաց ամբարտաւանին, յանկարծակի ի միում գիշերի հասանի ցաւ յանկարծակի իբրև զնետ մոլորական, և ջերմ և տենդ տապախառն իբրև գհուր բորբոքեալ հնոցի: Սկսանի ալուսնետե մերթ յօրանջել յոդն երթար մերթ ձգտել պարապատել: Եւ անդէն վաղվաղակի իբրև ժամադիր ժամանակաւ բառնան կեանք հպարտացելոյն, և իջանէ լինի հող ի բարձրացեալ հպարտութենէ. ելանէ ի ընակութենէ մարդկան, հեռանայ ի կենդանեաց և ի բազմամբոյն ժողովրոց, որով ամբարհաւաճեալ մեծամտէր. և այն ամենայն մեծասոլաս փառաւորութիւնքն իբրև զերադ թռանին:

Բարսի Վեցօր. էջ 85—6.

12.

ՄԵԾՈՒԹԻՒՆ ԱՐԵԳԱԿԱՆ

Չիցէ՝ արդեք տեսեալ քո ի բարձրաբերձ բարձրավանդակաց զդաշտ ընդարձակ և մեծանիստ, յորում վարիցին հարկիք եղանց ի բացավայրի ուրեք. զիմերդ արդեւք թուեսցին քեզ հանդերձ եղնողաւն՝ որ վարիցին զնոսա, այլ թերևս իբրև զմբջիւնս գետնագնացս, յօդոյ անտի՝ որ այլալեաց զտեսիլ աչաց քոց:

Եւ կամ չիցէ՝ տեսեալ ի զիսոյ բարձրացեալ լերին զծով մեծ իւրով մեծանիստ լայնութեամբն, և հայեցեալ պշուցեալ ընդ նա և ընդ կողին, որ իցեն ի միջի նորա, մբչափ ինչ փոքր արդեւք երևեսցին քեզ մեծութիւնք նո-

րա. և կամ յնրչափ սակաւութիւն տեսանիցես զմեծութիւն նաւու, որ բարձեալ բերիցէ աղխաղխեալ օղերձեալ զբազմաշահ վաճառսն, հանդերձ սպիտակ առագաստիւն՝ որոյ խորշ առեալ գոգ գործեալ տանի զնա յարշաւանի, ճեմեալ ճօճեալ ի վերայ վայելուչ ջուրցն մկանաց. այլ թերևս իբրև զձագ մի աղաւոյ տեսանիցես զնաւն ակաղձուն, յայլայլել օգոյն՝ որ քայքայէ զտեսիլ աչաց լ լուսաւորաց, որ ոչ ետ ճշգրտիւ նշմարել զտեսիլ իրացն լուսաւորաց, քանզի չառնի բաւական լոյս աչացն զհեռաւորսն իբրև զմօտաւորս տեսանել: Զի զկերինս բարձունս և զմեծամեծս, որ զտեսիլ և մեկնեալ են ի միմեանց խորածորովք, յորժամ հայեցեալ տեսանիցեմք ի հեռաստանէ, այնպէս տեսանիցեմք՝ եթէ շրջանս առեալ գայցեն շուրջ զմեւք. քանզի այլալի տեսիլ աչացն երկնահայեաց տարածիւք, և վատէ զօրութիւն լուսոյն աչացն, և ոչ կարէ ճշգրտիւ նըշմարել զխորածորոցն անջրպետսն: Եւ ոչ զկերպարանս և զնշմարանս տարեցն կարէ նկատել հաւաստեաւ ի հեռաստանէ, զի աշտարակեքն չորեքկուսիք՝ բոլորակք երևին, և այնպէս թուին՝ թէ շուրջ գայցեն. և մեծութիւնք ետեղակալք տարեց ի բացուստ իբրև շարժունք երևին, և ոչ որպէս հաստատեալ կան ի տեղւոյն նովին կերպարանօք երևին ի հեռաստանէ:

Եւ յայսմ ամենայնէ յախտ է, եթէ մեծ է արեգակն ըստ վկայութեան գրոցն, որ եղել ի վերայ նորա, և բիւրապատիկ և անբաւ մասամբք մեծ է քան զայն, որչափ երեկի: Եւ յայսմ օրինակէ յայտնի ի միտ առ՝ զի՞նչ չափ է մեծութեան նորա. տես որչափ բազմութիւն աստեղաց են յերկինս, և ընդ ամենեսեան ոչ են բաւական լուսաւորել զտիուր տրտմութիւն գիշերոյն, և արեգակն միայն միով անձամբ, յորժամ երեկի և տարածեսցէ ի վերայ օգոյն, զամենայն սահմանս աշխարհիս միանգամայն լուսաւորէ, և զաչս ամենայն տեսողաց՝ որ ի նորա հանդիպութիւնն կարկառեալ յառեալ հայեսցին: Նա և մինչ չե երեեալ և ընդ երկիր ծաւալեալ իցէ քաղցրահայեաց ձառագայթիւքն,

ցրուէ մաշէ զխաւարն, և հետակորոյս առնէ զաղջամուղջն՝
բառնայ զտխուրն տրտմութիւն, և ի տարածեալ մեծա-
պայծառ լուսոյն ծածկէ զլուսաւորութիւն աստեղացն. և
զթանձրամած օդոյն զստուերն մերկանայ յերեսաց երկե,
և զխաւարն մթապատ հալածական ի տիեզերաց երկյէ: Եւ
ընդ նմին օդ քաղցրաշունչ չնչէ ընդ առաւտս յաշխարհի,
և ընդ արևածագրս լուսաւորին՝ արկանէ ցող մանրացօղ ի
ժամանակս ամարայնոյ ընդ ամենայն երեսս երկրի: Եւ
ուստի կարող է լուսաւորս այս զանչափ մեծութիւն երկրի
միովն երևելով յանկարծածին ժամովն լուսաւորել, եթէ ոչ
զի ի բարձրացեալ բարձանցն՝ որ ունի զմեծատարած բո-
լորն բոլորակ, զանչափ ճառագայթուն լուսոյ արձակէր:

Բարսի Վեցօրեայ, էջ 129—131.

13.

ՄԱՐԴ ԵՒ ԾԻԾԱՌՆ

Մի ոք կարի յոյժ տրտմեսցի վասն աղքատութեանն՝
և մի ոք այնչափ մոռասցի՝ զանձին հատանել զյոյս, յոր-
ժամ ոչ ինչ գտանիցի ի տան: Նայեսցի ընդ ծիծառն ան-
ջատ և միանձն, տեսանես զիարդ դալակիցի, տկար զօ-
րութեամբն առնիցէ դադարս անձին: Զի յորժամ զտառա-
պանաց բունիկն կամիցի շինել, բերանացի քաղէ տանի-
շիդս. և քանզի ոտիւքն ոչ կարէ կրել կաւ, զծայրս մագ-
լացն ի ջուրսն թանայ, և ելանէ ընդ մանր փողի գնայ, և
յայսպիսի տառապանաց՝ հնարիւք լնու զկարօտութիւն-
կաւոյն կրելոյ: Եւ առ սակաւ սակաւ հնարի շինել զվա-
րանացն զբունիկն. դնէ նախ զկաւմն, և ապա զշիղն ի վե-
րաբրկ զպահանգս կապէ, և այնպէս կատարէ զշինուած-
բունոյն, զի հանէ ի նմա ձագս և սնուցանէ ի սմա զձագսն:

Եւ եթէ դէպ տացէ ցաւել աչաց միու ուրուք ի ձա-
գուց անտի, և կամ հարցի ընդ իմիք և ֆսասեսցի, գիւտա-

բժշկութեան ունի բնութեամբ՝ մատուցանել աչաց ծննդոց
իւրոց և բժշկել:

Զայս ամենայն հնարս այսմ տկար թոչնոյս առցէ
մարդ աղքատ ի մխիթարութիւն իւր, զի մի վասն աղ-
քտութեանն անկցի ի գործս չարեաց. և յորժամ վիշտք
ինչ անհնարինք հասանիցեն ի վերայ մեր յաշխարհի, մի
վհատեալք և լքեալք անյոյս լինիցիմք:

Բարսի Վեցօրեայ, էջ 168—9.

14.

Ի ՍԵԲԵՐԻԱՆՈՍԻ ԵՄԵՍԱՑԻՈՅ ՀԱՏՈՒԱԾՔ

1. Աղաչեմ, մի ձանձրանայք զլսելն, և յշտեմարանս
մտացդ ամփոփեա զիմաստս խօսիցս, զի մի վայրապար
առ լսելեօքդ հոսեսցին. որպէս ջուր ընդ վայր ծաւալեան
չմտանէ ընդ երկիր և չարբուցանէ զանդս, այլ յորժամ
յառու անկանիցի և ընդ կորիսն գնայցէ, չծախի ընդ վայր,
այլ զանդսն ոռողանէ. և այժմ մի ցրուեացին բանքս, այլ
ոռոգանիցեն զանդս մտաց ձերոց իմաստք բանիցս:

(էջ 46)

2. Եւ մի զարմանայցես, եթէ թեթև բնութիւնն
զմարմինն ծանր երարձ. նախ աստէն իսկ յայսմ արարածո՝
որ մեզս երկին, է ինչ որ բնութեամբ ծանր է, և է ինչ
որ յախտարակաց թեթև է. և չէ ինչ ըստ ծանրութեան, և
ոչ ըստ մեծութեան, այլ ըստ իրաց բնութեան արարածոց,
որպէս զիարդ և իցէ: Ընդէ՞ր ամենայն մայրք մեծամեծք,
և թէ ամենայն իսկ անտառք կոտորեսցին և ի ջուր ան-
կանիցին, չընկղմեսցին, և զասեղն մի փոքրիկ կամ սա-
կաւ ինչ քծուար յերկաթոյ՝ չկարէ ծով մեծ ի վեր ունել.
և այսպէս ոչ ըստ մեծութեան ինչ է, և ոչ ըստ ծանրու-
թեան, այլ յարարչին արուեստէ: Բայց սակայն երկաթոյ
ուրոյն առանձին չէ հնար ի վերայ ջուրց կաւ, այլ թեթև
իւիք կայ ի վերայ ջրոց, և կրի տեղեաց ի տեղիս: Լնուն

զնաւս մեծամեծս երկաթով և տանին յն և կամին. և քանզի թեթև է փայտի բնութիւն, բառնայ թեթևն զծանըն: Ա՛ռ միւս ևս այլ օրինակ. մարդ չկարէ բազում ժամս ի վերայ ջուրց դողալ, թեպէտ և զարուեստն գիտիցէ, այլ քանզի չկարէ կարի ի տոկ ձգել առանց հանգչելոյ, աշխատին բազուկքն, և հարկ լինի ընկղմելոյ:

(Էջ 108)

3. Օրինակ ինչ նմին ի մէջ բերցուք, թեպէտ և մթին և ընդ աղօտ իցէ, սակայն և ի փոքուն առնու ոք գոնէ սակաւ ինչ գնշմարանս մեծին: Ա՛ռ երկաթ և միսեա ի բովս հրոյ, և տես որպիսի ինչ էր՝ մինչ չե ի հուր միսեալ էր. մթար երեսօք, ցուրտ առ ի շօշափել. և յետ ի հուրն մտանելոյ՝ լուսաւոր տեսլեամբ, ջերմն զննելով. և չկորոյս զինելն երկաթ, այլ զի առաւելութիւն քան զիւր բնութիւնն ընկալաւ. թեպէտ և պայծառացաւ, չվրիպեաց յիւրոց կերպարանացն, զինչ կերպարանք և ի ներքս միսեսցես, նոյն և երեի, եթէ բոլորակ, եթէ երեքկուսր, եթէ չորեքկուսր, և եթէ զիարդ և իցէ՝ զկերպարանս չփոխէ. բայց գոյնն զիրոյն գոյն առնու:

Եւ չիցէ՝ տեսեաւ զիարդ որք ի տար աշխարհէ յետ բազում ժամանակաց զայցեն, և ընտանիքն նշան խնդրեն, ոչ զփառաւորութեան ինչ, թեպէտ և փառաւոր զայցեն. այլ զառաջին կենացն, թէ արդարե սա նա իցէ. և ոչ այնչափ ինչ ճշգրիտ ի հանգերձն հային, որպէս յօնացն կերպարանս և ձեռացն նշմարանս, և ի հերսն՝ թէ ձաղկահեր կամ գանգրահեր իցէ. և մարմոյն թերութիւնք քարոզ անծանօթին լինին:

(Էջ 116—7)

4. Ո՞վ իցէ ի ձէնջ, որոյ իցէ բարեկամ, և երթիցէ առ նա ի հասարակ գիշերի, և ասասցէ. «Յարեկամ, առւր ինձ երիս նկանակս հաց. քանզի բարեկամ իմ եկն ի ճանապարհէ, և չիք ինչ որ առաջի զիցեմ»: Եւ նա պատասխանի տացէ և ասասցէ թէ «Յուրքդ փակեալ են, և մանկունքս ընդ ինև կան յանկողնի. մի՛ աշխատ առներ զիս.

ոչ կարեմ յառնել և տալ»: Եւ զինչ յետ այնորիկ. ամէն ասեմ ձեզ, եթէ և վասն բարեկամութեանն ոչ տացէ, սակայն վասն ժտութեան նորա յարուցեալ տացէ նմա աւելի քան որչափ կամէրն:

(Էջ 159)

5. Զոր օրինակ յորժամ բժիշկն զերկաթն ի գործ արկանէ և խարանս ի մարմինն դնէ, ոչ այնու ընդ մարդոյն կռուի, այլ ընդ ցաւսն մարտնչի: Միթէ տեսեր երբեք զբժիշկ առ ցաման ձեռն ի գործ արկեալ կամ առ զայրացուս ինչ ի խարանս մատուցեալ, կամ այլ ինչ նոյնպիսի: Թեպէտ և հիւանդին երեսքն բժշկին ահազին թուեսցին, այլ բժշկին օգուտ գործեալ կայ ի միտս. և ոչ վասն զի ցաւածին ահազին բժշկութիւնն թուիցի, և ճարտարութեանն խոստումն ահազին ինչ իցէ: Վիրածն յորժամ ահա սանիցէ զբժիշկն՝ զի կորել զվերն կամիցի, ահազին համարի, և իբրև ի թշնամւոյ խոսափիէ. իսկ յորժամ բժշկեացի, զոր երբեմն տեսանէր և զերեսս դարձուցանէր, յետոյ մօտ հայի և երկիր պազանէ: Եթէ չփիտիցեմք իսկ, զի առ զայրացուս ցաւոցն՝ թշնամանս դնեն հիւանդքն բժշկացն, և բժիշկն ներէ զայրացելոցն. քանզի գիտէ՝ եթէ ոչ ի կամացն են թշնամանքն, այլ առ ցաւսն: Իսկ յորժամ ապաքինին յախտէն, և վարձ ևս տան նոցա, զորս անազորսն համարէին. տան վարձն՝ ոչ իբրև պահանջեալք, այլ ինքնակամ յօժարութեամբ: Նոյնպէս և մեք ալժմ զժկամակ լինիմք ընդ նեղութիւնս. և յորժամ հասանիցէ պատուղ նեղութեանցն, տպա զարմացեալ ասեմք՝ եթէ անցաք մեք ընդ հուր և ընդ ջուր, և հաներ զմեղ ի հանգիստ:

(Էջ 176)

Ի ՓՐՈՆԻԿՈՆԵՆ ԵՒՍԵԲԵԱՅ

Աղդ եղև հօրն նորա Նաբուպաղսարայ, եթէ շահապն նախարարապետ՝ որ կարգեալ կայր ի վերայ աշխարհին եգիպտացւոց և կողմանցն Ասորւոց և Փիւնիկաստան զաւառացն, կապարճ դարձոյց, յետո եկաց յապստամբութիւն: Եւ զի չէր ատակ այնուհետև ինքն կշտամբել գումարեաց եղ ի ձեռին որդւոյն իւրաւմ Նաբուկողբոսորայ, որ այնուհետև ի չափ իսկ հասակի հասեալ էր, մասն ինչ ի զօրացն, և առաքեաց երթալ ի վերայ: Երթեալ հասեալ Նաբուկողբոսորու՝ խումբ գործեալ տայր պատերազմ ընդ ապստամբին և լաղթէր, և զախարհն, որպէս և էր իսկ ի բնէ, անդրէն ընդ իւրեանց թագաւորութեամբ նուաճէր: Իսկ հօրն նորա Նաբուպաղսարայ դէպք տային ի նմին ժամու. հիւանդանալ ի Բաբելացւոց քաղաքին և վճարել զկեանս, թագաւորեալ ամս իա:

Զգսոտ լինէր յետ բազում ժամանակաց Նաբուկողբոսորայ զիօրն վախճանէ. կարգէր յարդարէր զիրս երկրին եգիպտացւոց և զայլոցն աշխարհաց, և զգերին Հրէից և զՓիւնիկեցւոց և զԱսորւոց և զԵգիպտացւոց ազգացն, հրաման տայր ոմանց ի բարեկամացն հարստաբուռն զօրօք և դայլ ևս զառ և զկահ և զկազմած խաղացուցանել ի Բաբելոն: Երթեալ հասեալ՝ գտանէր նուաճեալ զիրս ամենայն ի Քաղղէացւոց, և պահեալ նմա զթագաւորութիւն ուրումն ազնուականի ի նոցանէ: Տիրէր բովանդակ հայրենի իշխանութեան. և զգերւոյն հրաման տայր՝ յազնիւ տեղիս Բաբելացւոց աշխարհին ընսկեցուցանել: Եւ ինքն յառէ և յաւարէ պատերազմին՝ զմեհեանն Բելայ և զայլն ամենայն առատութեամբ զարդարէր: Եւ ի բուն քաղաքն և այլ ևս արտաքուստ ի ներքս յաւել զուրք. և պնդէր զտեղիսն, զի մի ևս լինիցի հսար պաշարողաց՝ զգետն ի քա-

ղաքն դարձուցանել: Եւ յաւելոյր երիս պարիսպս ներքնոյ քաղաքին և երիս արտաքումն, և զկէս պարսպացն ի նիւթծուն աղիւսոյ և ի նաւթէ շինէր, և զկէսն ի լոկ աղիւսոյ. և պատէր ազնուակոյնս զքաղաքն պարսպօք, և զգրունսն զարդարէր դիւցազունս: Եւ այլ արքունիս մօտ ի հայրենի արքունիսն շինեալ յաւելոյր. զորոց զչափ և զգեղ և զազգի ազգի յօրինուածս հազիւ ոք ուրեք եթէ զգեղ և զազգի ազգի յօրինուածս հազիւ ոք ուրեք եթէ կարի նորապատմել կարացցէ: Բայց այնչափ միայն՝ թէ կարի նորապատմել կարացցէ: Բայց այնչափ միայն՝ թէ կարի նորապատմել կարացցէ: Եւ յարքուն աշտարակաքարիկութս բարձրաբերձս հանգերձ մահարձանօք շինեալ յօրինէր. և զմակատս կողակացն ի նմանութիւն լերանց յարդարէր: Եւ տնկեաց ծառս ազգի ազգիս և զազգմեաց զանուանեալ բուրաստանսն կախաղանաւ, վասն տենչանաց կնոջն իւրոյ ի լեռնային հովասուն վայրաց, որ ի Մարաց աշխարհին հովասուն սնեալ էր:

(Էջ 64—70).

16.

ԿՈՐԾԱՆՈՒՄՆ ՄԵՀԵՆԻՑ

Առնոյր այնուհետև խորհուրդ հաւանութեան ընդ թագաւորին և ընդ իշխանսն, նախարարօքն և զօրօքն հանգերձ՝ վասն խաղաղութեան հասարակաց, քակել, կործանել, բառնալ զգայթակղութիւնսն, ի միջոյ ի բաց կործանել, զի մի ումեք լիցի խէթ և խութ այնուհետև ընդ ոսա անկանել և խափան առնել՝ ելանել յազատութիւնն վերին:

Իսկ անդէն վաղվաղակի թագաւորն ինքնիշխան հրամանաւ և ամենեցուն հաւանութեամբ, զործ ի ձեռն տայրերանելույն Գրիգորի, զի զյառաջագոյն զհալրենական հնամեացն նախնեացն և զիւր կարծեալ աստուածսն չաստ-

ուածս անուանեալ՝ անյիշատակ առնել, ջնջել ի միջոյ՝
Ապա ինքն իսկ թագաւորն խաղայր գնայր ամենայն զօ-
րօքն հանդերձ ի Վաղարշապատ քաղաքէ՝ երթալ լԱրտա-
շատ քաղաք, աւերել անդ զբագինսն Անահտական դիցն,
և որ յերազամոյն տեղիսն անուանեալ կայր: Նախ դիմեալ
ի ճանապարհի երազացոյց երազահան պաշտաման Տըի
դից, դպրի գիտութեան քրմաց, անուանեալ Դիւան գրչի
Որմզդի, ուաման ճարտարութեան մեհեան. նախ ի նա
ձեռն արկեալ՝ քակեալ այրեալ աւերեալ քանդեցին:

Ուր և երևեալ կերպարանեալ դիւացն ի նմանութիւն
առն և ձիոյ բազմութեան, կազմութեան գնդի և հետեա-
կադօրու, մկնդաւորք և ուռնաւորք, առաջի ընթացեալք ի
կերպարանս մարդկան նմանութեան, նիզակօք և նշանօք,
ի գէն և ի զարդ վառեալք, մեծաւ գոչմամք զաղաղակ
հարեալ փախստեալք յԱնահտական մեհեանն անկանէին,
ուստի ընդ հասեալլոն մարտ եղեալ կոռուէին. նետս անոյժս
և քարավէժս թանձրատարափս ի վերուստ ի շինուածոցն
ի խոնարհ զմարդկաւս ցնդէին: Իսկ Գրիգոր՝ իբրև տեսեալ
գայն, դիմէր ի զուռն մեհենին և ամենայն շինուածք մե-
հենին ի հիմանց զդրդեալ տապալեցան. և լուցեալ յան-
կարծօրէն փայտակերտն հրդեհեցաւ և ծուխն ծառացեալ
մինչև յամաս հասանէր: Իսկ մարդկանն հասելոց անդէն
քանդեալ զիմունս մնացեալս աւերէին, և զգանձսն մթե-
րեալ՝ աղքատաց, տառապելոց և չքաւորաց մասն հանէին:
Եւ զդաստակերտսն և զսպասաւորսն քրմօքն հանդերձ և նո-
ցին գետնովքն և սահմանօքն ի ծառայութիւն նուիրեցին
եկեղեցւոյ սպասաւորութեան:

Եւ երթայր հասանէր ի Դարանադեաց գաւառն, զի և
անդ զանուանելոցն զուռն աստուածոցն զբագինսն կոր-
ծանեսցեն, որ էր ի գեօղն Թորդան, մեհեան անուանեալ
սպիտակափառ դիցն Բարշամինայ: Նախ զնա կործանէին,
և զպատկեր նորին փշտէին. և զգանձսն ամենայն, զոսկ-
ւոյն և զարծաթոյն, աւար հարկանէին և զայն աղքատաց
բաժանէին: Եւ զգեօղն ամենայն դաստակերտոքն

հանդերձ և սահմանօքն յանուն եկեղեցւոյն նուիրէին:...
Ապա երթեալ հասանէր յամուր տեղին անուանեալ
Անի, ի թագաւորաբնակ կայեանսն հանգստոցաց գերեզ-
մանաց թագաւորացն Հայոց: Եւ անդ կործանեցին զբա-
զինն Զևս դիցն Արամազդայ, հօրն անուանեալ դիցն ամե-
նայնի: Եւ անդ կանգնեալ զտէրունական նշանն, և զա-
նայն ամբականաւն հանդերձ ի ծառայութիւն եկեղեցւոյն
նուիրէին:

Եւ ապա յետ այսորիկ անդէն ի սահմանակից գաշ-
ւառն եկեղեց ելանէր: Եւ անդ երեսեալ դիւացն ի մեծ և
բուռն մեհենացն Հայոց թագաւորացն, ի տեղիս պաշտա-
մանցն, յԱնահտական մեհենին, յԵրէզն աւանի. ուր ի
նմանութիւն վահանաւոր զօրու ժողովեալ դիւացն մար-
տընչէին, և մեծագոչ բարբառով զերինս հնչեցուցանէին:
Որք փախստական եղեալք, և ընդ փախչելն նոցա կոր-
ծանեալ բարձրաբերձ պարխապքն հարթեցան: Փշէին զու-
կի պատկերն Անահտական կանացի դիցն, և ամենկին զտե-
ղին քանդեալ վատնէին, և զոսկին և զարծաթն աւար-
տոեալ: Եւ անտի ընդ զետն Գայլ յայնկոյս անցանէին, և
քանդէին զնանէական մեհեանն զստերն Արամազդայ ի
Թիլն յաւանի: Եւ զգանձս երկոցուն մեհենացն աւարեալ
ժողովեալ՝ ի նուէր սպասուց սուրբ եկեղեցւոյն Աստուծոյ
թողուին տեղեօքն հանդերձ:

Եւ այսպէս ի բազում տեղեց բառնային զգայթակ-
ղեցուցիչսն անմոռնչս, զծուլեալսն, կոփեալսն, կոփեալսն,
քանդպակերտն, անպիտանսն, անօգուտսն, վասակարսն,
արարեալսն անմտութեամբ ցնորելոց մարդկան:

Գայր հասանէր ի Մհական մեհեանն անուանեալ
որդւոյն Արամազդայ, ի գիւղն՝ զոր Բազայառիձն կոչեն
ըստ պարթեարէն լեզուին: Եւ զայն ի հիմանց բրեալ
ըստ զգանձսն մթերեալս աւար հարկանէին և աղ-
խէին, և զգանձսն նուիրէին եկեղեցւոյ:...

Լուս Գրիգորիոս, թէ Վահէվանեան մեհեանն մնա-
ցեալ է յերկրին Տարօնոյ, մեհեանն մեծագանձ, լի ոսկւով

և արծաթով, և բազում նուէրք մեծամեծ թագաւորաց ձօնեալ անդ ութերորդ պաշտօն հռչակաւոր, անուանեալն Վիշապաքաղն Վահագնի, յաշտից տեղիք թագաւորացն Հայոց Մեծաց, ի սնարս լերինն Քարքեայ, ի վերայ գետոյն Եփրատայ, որ հանդէպ հայի մեծի լերինն Տաւրոսի, որ և անուանեալ ըստ յաճախաշատ պաշտաման տեղեացն՝ Յաշտշատ: Զի յայնժամ դեռ ևս շէն կային երեք բագինք ի նմա, առաջին՝ մեհեանն Վահեվանեան, երկրորդն Ոսկեմօր Ոսկեծին դից, և բազինն խակ յալս անուանեալ Ոսկեատ Ոսկեմօր դից. և երրորդ՝ մեհեանն անուանեալ Աստղկան դից, Մենեակ Վահագնի կարդացեալ, որ է ըստ յունականին Ափրոդիտէս: Արդ՝ դիմեաց գալ սուրբն Դրիդորիոս, զի քանդեսէ և զայն ևս, զի տակաւին իսկ տգէտ մարդիկ խառնակութեան զոհէին յայս բագինս մնացեալս:

(Ագարանգեղոս).

17.

Հ Բ Գ Ե Հ

Իցէ՞ տեսեալ յորժամ հրդեհ զմեծամեծ աանց հարկանիցի, զիարդ ցոլանայ բոցն և ծուխն և անդր լերինս կցի, և չիք որ ժոի մատչել և զարն շինուցանել. այլ ամենայն ոք ընդ անձին ձեպի և զիւրն միայն գիտէ. և հրդեհն ոչ մեղմով, այլ սաստիկ զամենայն ճարակեսցի. և բազում անգամ ամենայն քաղաքն շուրջ կայցէ և տեսողք և եթ չարեացն լինիցին, և ոչ զօրավիզն և օգնականք: Եւ անդ իցէ տեսանել, զի ոչ ինչ օգուտն լինիցին որ շուրջն կայցեն. այլ իւրաքանչիւր ոք զձեռս ձգիցին, և նոցա՝ որ առ ժամայն իցեն եկեալ, գտեղն իմն ցուցանիցին, կամ ընդ պատուհանս զրոցն ցոլացեալ, կամ զգերանսն՝ որ հապ կիսալրեաց անկանիցին, կամ ողջոյն իսկ զիողոցան՝ որ միանգամայն ի սեանցն և ի մութից զերծանիցին և յերկիրն կործանիցին: Իցեն թերես և բազումք յանդունք

և ի վսեր եկեալք՝ որ և մօտ իսկ ժուիցին ի հրդեհ շինուածոյն հասանել. ոչ զի ձեռն տայցեն և զչարն շինուցացանիցին, այլ զի ցանկալի իմն զտեսիլն համարիցին, յորժամ ի մօտոյն ստորդ կարիցեն նշմարել, որոց մինչ ի բացեայն կային, չերևէր անպէս: Եւ անտի զինչն օգուտ գտանիցին, բայց թէ միայն մըսա: Եւ եթէ գեղեցիկ ևս և մեծամեծ շինուածքն իցեն, զայն համարին եղուկ և ողորմ, բազում արտասուաց արժանի: Նա և է իսկ ողորմ տեսիլ. քանզի սիւնքն հանդերձ հաւեղագէս խոյակօքն մանրիցին և ի յատակն կործանիցին. և իցէ ինչ բազում՝ զոր ինքեանք բեկտիցեն, կէսն ի հրոյն ալրեացի և կէսն շինողացն ձեռքն մղիցեն ընկենուցուն, զի մի ևս քան զես սաստիկ ջամբ հրոյն լինիցի: Անդ իցէ տեսանել և զբազում պատկերսն՝ զոր ազգի ազգի նկարուք քանդակեալ դրօշեալ, յորժամ ձեղունքն բանացեն և մերկ յարկացն լինիցին, բազում անշքութեամբ մերկացեալ խանձատեալ նշաւակ կացցեն. և զազգի ազգի զհանդերձն, և զոսկեղէն և զարծաթեղէն անօթսն, զոր լանկարծ ուրեք տանուտէքն հանդերձ իւրով միայն ամուսնովն տեսանէր, սապատք հանդերձիցն և ինկոցն կաւշարայք ի մարմարակուռ սենեակոն յերփներփ կճէիցն դրուագացն՝ ամենայն միանգամայն ի միոյ հրոյն գռենիկ կաճառանոց լինիցի:

Եւ հասանէ տեսանել այնուենետե աղբակիրս որթաւորս թիւաւորս զամենեսեան խառն և անհարց ի ներքս ժտեալ: Եւ այլ ինչ ոչ իցէ անդ տեսանել բայց միայն ջուր և հուր և կաւ և մոխիր և զփալտոն թերայրեացս:

Ոսկեբերան, Եփես. էջ 781— 2.

18.

ՆԿԱՐԱԳԻՐ ԶԻՌՑ

Դժւ ագուցեր ձիու գօրութիւն և զգեցուցեր զրահ ընդ պարանոցաւ նորա: Արկեր դնովաւ սպառագինութիւն, և

փառս լանջաց նորա զբանդպնութիւն։ Որոտայ ի դաշտի և դափր հատանէ, ելանէ ի դաշտ զօրութեամբ։ Ի պատահէլ նետից՝ արհամարհէ, և ոչ դարձցի յերկաթոլ։ Ի վերայ նորա շողան աղեղն և սուսեր, և շարժիւն վահանի և նիզակի։ Եւ բարկութեամբ ապականէ զերկիր. և ոչ հաւատայ՝ մինչև փող հարկանիցի։ Եւ իբրև փող հարկանի, նա վաշ վաշ կարդայ, ի հեռաստանէ առնու գհոտ պատերազմի՝ վազս առնելով և փոնչելով։

(ՅոՒ, 1.Պ. 19—25).

19.

ՆԿԱՐԱԳԻՐ ԾՈՎԱԿԱՆ ԳԱՅՈՒՆԻ

Զդրունս երեսաց նորա ո բանացէ. շուրջ զատամամբք նորա ահ։ Փոր նորա վահանք պղնձիք. յօրք նորա իբրև զէմ գայլախաղ, մի զմիոյ կնի կցեալ, և օդ ոչ անցցէ ընդ նա։ Զմիմեանց կալցին և մի մեկնեսցին։ Ի փոնչելոյ նորա փայլատակունք հատանին. աշք նորա իբրև զտեսիլ արուսեկի։ Ի բերանոյ նորա լամբալք բորբոքեալք և հատանին անկանին շանթք հրոյ։ Ընդ ոնգունս նորա ծուխ ելանէ հնոցի հրոյ կայծականց։ Անձն նորա կայծակունք, և բոց ի բերանոյ նորա ելանէ։ Ի պարանոցի նորա բնակէ զօրութիւն, առաջի նորա կորուստ ընթանայ։ Անդամք մարմնոյ նորա մածեալք. եթէ զեղցէ ի վերայ նորա՝ ոչ խլրտեսցին. զի սիրտ նորա սալացեալ է իբրև զվէմ, և հաստատեալ կայ իբրև զսալ դարբնաց անշարժ։ Ի խլրտել նորա՝ ահ գաղանաց և չորքոտանեաց և զեռնոց երկրի։ Եթէ պատահեսցին նմա արդունք, ոչ ստնանեն զէնք և նիզակի։ Քանզի համարի զերկաթ յարդ, և զպղինձ իբրև զփայտ փուտ։ Ոչ խոցոտէ զնա աղեղն պղնձի. համարի զոմբաքար խոտ. և իբրև զեղէդն համարեցան նմա ուսունք։ Շաղը առնէ զշարժումն հրալց։ Անկողինք նորա տէգք սրեալք. ամենայն ոսկի ծովու ընդ նովաւ իբրև զկաւ ան-

բաւ։ Եռացուցանէ զանդունդս իբրև զկաթսայ. համարի զծով իբրև զոչինչ, և զտարտարոսն անդնդոց իբրև զգերի մի. համարեցաւ զանդունդս իւր ճեմելի։ Զամենայն բարձունս տեսանէ, և ինքն է թագւառը ամենայնի՝ որ ի շուրսն են։

(ՅոՒ, ԽԱ.)

20.

ԵՐԳ ԵՐԳՈՅ

Փեսայն ցհարսնն ասէ.

— Ահաւազիկ կաս զեղեցիկ, մերձաւոր իմ, ահաւազիկ կաս զեղեցիկ. աչք քո աղաւնիք. վարսք քո իբրև զերամակս ալծից որք երևեցան ի Գաղապէ։ Ատամունք քո իբրև զերամակս կարելոց որք ելանեն ի լուալեաց։ Իբրև զթել որդան են շրթունք քո, և խօսք քո զեղեցիկք. իբրև զկեղեւ նուան են այտք քո։ Մինչև տիւն նուաղեսցէ և ըստուերքն շարժեսցին, զնացից ես ինձէն ի լեռն զմոնենեաց և ի բլուրն կնդըրկի։ Ամենեկին զեղեցիկ ես, մերձաւոր իմ, և արատ ինչ ոչ գոյ ի քեզ։ Սրտակաթ արարեք զմեզ միով ակամք քով, և միով քառամանեկաւ պարանոցի քո։ Մեղը կաթեցուցանեն շրթունք քո, մեղը և կաթն ի ներքոյ լեզուի քո, և հոտ հանդերձից քոց իբրև զհոտ կնդըրկի։ Մտի ի պարտէզ իմ, կթեցի զմուռս իմ հանդերձ ինսկովք իմովք. կերայ զնաց իմ մեղու իմով, արբի զգինի իմ կաթամբ իմով։ Ես ննջեմ և սիրտ իմ արթուն կաց։

Հարսնն զգայ զփեսային բախել զդուռնն։

— Զայն սիրելոյ իմոյ բախէ ի դրանն։

Փեսայն ասէ.

— Բաց ինձ, մերձաւոր իմ, աղաւնի իմ, կատարեամ իմ. զի զլուխ իմ լցաւ ցօղով, և վարսք իմ ի շաղից զերոյ։

Հարսնն ասէ զայս ինչ.

49

— Մերկացայ զպատմուման իմ, զիմբրդ ագանիցիմ
զնա. լուացի զոտս իմ, զիմբրդ աղտեղացուցից զնոսա:

Սիրելին իմ ձգեաց զձեռն իւր ընդ պատուհանն, և
որովայն իմ խոռվեցաւ ի նա: Յարեայ ես ի բանալ սի-
րելոյ իմոյ. ձեռք իմ կաթեցուցին զմուսս, և մատունք
իմ զմուսս լցեալս ի վերայ ձեռաց փակաղակին: Բացի ես
սիրելոյ իմոյ. սիրելին իմ անց, և ոգի իմ ել ընդ բանի
նորա: — Խնդրեցի զնա և ոչ գտի. կոչեցի զնա և ոչ ետ
ինձ ձայն: Երդմնեցուցանեմ զձեզ, զստերք Երուսաղեմի,
եթէ գտանիցէք զսիրելին իմ՝ պատմեսջիք նմա, եթէ
խանդակաթ եմ ես ի սէր քո:

21.

ԶԵ ՊԱՐՏ ՊԱՇՏՈՆ ՄԱՏՈՒՑԱՆԵԼ ԱՐԱՐԱԾՈՅ

Արդ բարեգակն է արեգակն և գեղեցիկ բնութեամբ, և
մեզ և ամենայն արարածոց՝ որ ի ներքոյ երկնից՝ յօգուտ
և ի դարման, իրեւ ճրագ մի ի մեծի տան ի մէջ ձեղուան
և յատակի լուցեալ՝ առ ի զիտաւարն և զստուերն զերկուց
մեծացն անօթոց ի բաց ի միջոյ փարատելոյ. բայց ինքն
եթէ իցէ և եթէ չիցէ՝ զայն ոչ գիտէ, զի չէ ի բանաւորաց
և ի մտաւորաց. նոյնպէս և այլքն յանշնչոցն արարածոց:
Եւ թէ ջուր թէ հուր թէ երկիր թէ օդ, թէ իցեն և թէ չի-
ցեն՝ զայն ոչ գիտեն, և զսպասաւորութիւնն՝ յոր կարգե-
ցան՝ անդադար մատուցանեն, վարելով այնը՝ որ կաղ-
մացն զնոսա: Եւ մեք ոչ անարդեմք զնոսա, և ոչ պաշ-
տօն մատուցանեմք նոցա. այլ հայեցեալ ընդ նոսա՝ փա-
ռաւորեմք զկարգիչն նոցա և զյօրինիչ, զի մեզ ի պէտս
են, և կարգչին իւրեանց ի փառս:

Զիմբրդ պաշտիցեմք զարեգակն, որ մերթ կոչի իջրե
զծառայ առ ի սպասն՝ յոր կարգեցաւ՝ հասանելոյ, և մերթ
երթայ զօղէ իջրե զարհուրեալ և տայ տեղի խաւարին
լուուլ զմիջոց ի մեծի տանս. և ընդ ժամանակս ժամա-
նակս ի խաւար դառնայ՝ առ ի յանդիմանութիւն և յամօթ
իջրոցն պաշտօնէից. յայտ արարեալ եթէ չեմ ես արժանի
պաշտաման, այլ այն՝ որ զիս և զամենայն տիւ լուսաւոր
պահէ, և զցայդ զօղեցուցանէ. և երբեք երբեք խաւարե-
ցուցանէ՝ և իջրե խօսուն բերանով անշշունչն բողոքէ՝ եթէ
չեմ արժանի պաշտօն առնլոյ, այլ պաշտօն հարկանելոյ:
Կամ զլուսին՝ որ ամսոյ ամսոյ հիւծանի, գրեթէ և մեռա-
նի, և ապա սկիզբն առնու կենդանանալոյ, զի քեզ զյա-
րութեան օրինակն նկարից: Կամ զօդ՝ որ մերթ գոչիցէ
վարազացեալ՝ հրամանաւ, և մերթ սարսէ ի գոչելոյն՝
սաստիւ: Եւ կամ զհուր՝ որում և զքեզ իսկ երկըրդ արա-
րիչ կազմեաց յօրինիչն, զի յորժամ կամիցիս՝ վառիցես,
և յորժամ կամիցիս՝ խափուցանիցես: Կամ զերկիր՝ որ
հանապազ բրեմք, և ցանկ կոխեմք, և զաղը զմեր և զա-
նասնոց մերոց ի նա հեղումք: Կամ զջուրս՝ զոր հանա-
պազն ըմպեմք, և զանուշութիւն նոցա ի ժանտահոտութիւն
ի փորի մերում դարձուցանեմք, և զներքին և զարտաքին
աղտեղութիւնս մեր նոքօք սրբեմք:

Եւ այսու ամենայնիւ յայտ է՝ թէ զոր առ աստուածնն
ունին, անարգեն շատք և անպատռեն: Նա և զողուժն և
սոսկումն ունի զարարածմն, յորժամ զպատիւ արարչին ոք
նոցա մատուցանիցէ. և յայտ առնէ երկիր շարժելովն, և
լուսաւորքն խաւարելովն, և օդքն գժոմելովն և քստմելով,
և ծով սաստկութեամբ ալեացն սպասնալեօք: Զի թէ ոչ
սաստ արարչին նահանշէր զնոսա, մի մի ի նոցանէն բա-
ւական էր զամենեսին սատակել՝ առ ի խնդրելոյ զվրէժ
անարգանաց հասարակաց արարչին: Կամ ծով ծածկելով,
որ տկար աւազովն պաշարեալ՝ չիշմէ անցանել ըստ հրա-
ման: Կամ երկիր կլանելով, որ ի վերայ ոչնչի կալ հաս-

տատեալ, և յոչինչ դառնալ և գարձուցանել չէ պատշաճ զիւր զբնակիչսն: Կամ հողմ պարտասեցուցանելով, որ կենդանութիւնն է ամենայն շնչաւորաց, և շիշմէ արգելու զկենդանութիւնն առանց հրամանի կենդանապահին: Կամ օդք երեմն զառամանիսն շնչելով, և երեմն պլորշակն բերելով. և վիճէր ամենայն ինչ ոչ ինչ:

Եղիշիկ, էջ 14—17.

22.

ԿԱՌԱՔ ԱՇԽԱՌՀԻ

Այլ նա աւասիկ իբրև զկառու իմն լծեալ ի չորից երեվաց զաշխարհս տեսանեմք, ի ջերմութենէ, ի ցրառութենէ, ի ցամաքութենէ և ի խոնաւութենէ. և զօրութիւն իմն ծածուկ կառավար, որ զչորս կագեցողմն ընդ միմեանո ի հաշութեան և ի հաւանութեան պահեալ նուածէ: Ամենայն կառք ի համազգեաց երիվարաց լծին, բայց միայն այս կառաց որ ի չնամազգեաց լծեալ են. և որ ի համազգեացն լծեալ են, երբեմն սայթեաքեն, երբեմն օձտեն և ի տագնապի զկառավարն և զանձինս կացուցանեն. և երբեմն խորտակումն իսկ կառացն գործն. և յորժամ ողջ կառքն իսեն և ողջ կառավարն և վարժեաքն, ուշ եղեալ ի հանդէպ երեսացն ևեթ արշարժ երիվարքն, ուշ եղեալ ի հանդէպ երեսացն և յաւալին: Եւ այս կառք զարմանալիք ի հակառակ և յաննման երիվարաց լծեալ և ծածուկ ձեռամբ ուղղեալք, աչ ի մի միայն կողմն ի հանդէպ երեսացն ևեթ արշաւին, այլ յամենայն կողմանս վարդին, և ընդ հանուր արշաւին, և ընդ բնաւ ոլանան, և ամենայնի բաւական են: Յորժամ ընդ արևելս ընթանան, չէ ինչ արգել՝ թէ ընդ արևեմուսս ոչ արշաւիցին, և յորժամ ընդ հիւսիսի վարդին, չէ ինչ ար-

գել՝ թէ ընդ հարաւ ոչ առւրալցեն. զի ձեռն կառավարին բաւական է յամենայն կողմանս դիմեցուցանել, և ընդ չորս անկիւնս տիեզերաց արշաւեցուցանել:

Եղիշիկ, էջ 17.

23.

ԽՈՆԱՌՀՈՒԹԻՒՆ

Սիրեսցես զխոնարհութիւն, զի նմանեալ է զօրութիւնն երկաթեղին պարապի: Սիրեսցես զզպաստութիւն, զպտուզ անուշութեան. զի որ ուտէ ի նոցանէ, յագի անձն նորա, և ուբախ լինի և ցնծայ: Ամենայն ծառ ի պաղոյ իւրմէ ճանաչի. և խորհուրդ մարդոյ ի բերանոյ իւրմէ ճանաչի: Եւ զամենայն մարդ՝ առ որում մերձենայ իմաստուն, ի լեզուէ նորա ճանաչէ զխորհուրդս նորա: Եւ լորժամ ասէ ոք զբան խեղկատակութեան, նա ոչ հաստատէ առ նա զլսելիս իւր: Եւ մարդ՝ որ ի չարիս խորհի, ի շրթանց նորա ճանաչէ իմաստունն. և եթէ զբանս ծաղու և խաղու և արհամարհանաց և հայնոյութեան խօսի, ճանաչէ այն՝ որ լիչն զնոսա: Ծառ բարի՝ պտուղ բարի առնէ, և ծառ չար պտուզ չար առնէ. և ոչ կարէ ծառ դառն պտուղ քաղցր առնել, և ոչ ծառ քաղցր՝ բերել զպտուղ դառն. քանզի ի պտղոյ անտի ճանաչի ծառն: Սոյնաէս և այր քաղցր, որ կայ ի սիրտ նորա բարի, ի նոյն գանձուց սրտի հանէ և խօսի. և այր դառն, որ կայ ի սիրտ նորա չար, ի նոյն գանձուց սրտի հանէ և խօսի: Եւ եթէ հազար պտուղ իցէ ի ծառն, ի միոջէ անտի կարես գու ճանաչել զծառն ամենայն, և եթէ ճաշակիցես պտուղ մի ի ծառոյն, որոյ պտուղ իւր քաղցր և անոյշէ, ցանկայ անձն քո, թէ զպտուղ ծառոյն անորիկ գու միայն կերիցես: Նոյնաէս և այր իմաստունն, որ մերձենայ առ մարդ չար, նախ ի բանից նորա ճաշակէ զնա. ապա եթէ տեսանիցէ թէ բանք նորա անուղղաց և մոլորականք են, այլ ոչ ևս կամի լսել նմա: Եւ եթէ

մերձենայ առ մարդ իմաստուն և ուսեալ կատարեալ նըստի առ նմա և յամէ մինչեւ ճաշակէ զբանս նորա. եթէ տեսանէ զի բարիք և քաղցունք են և գիտութիւն և հանճար լի են, ի ժամէ անտի ախաէս կամի, թէ զամենայն բան նորա լուիցէ և ուսցի: Եւ մարդ՝ որ խոնարհ է, ի ճաշակաց իւրոց որոշէ զնա իմաստունն: Եւ որ երեկ իրբերմաստուն լուռ և խոնարհ և միամիտ, և սիրտ իւր ի չարիս խորհի, նման է նա խոնարհի ի մէջ խոնարհաց. իմաստունք՝ որ խորհին զբարիս, ի դառն մրգոց անտի ոչ ճաշակեն, որ խառնեալ կայցէ նա ի մէջ սերկել մրգոց, և ճաշակ նորա զքիմս դառնացուցանէ:

Սիրեա զխոնարհութիւն, սիրելի, որ հոտ իւր անոյշ է և համ իւր քաղցր: Խոնարհն և ի բարձրութեան իւրում խոնարհացոյն է, և սիրուն է նա բարձրացելոց և խոնարհաց: Բարեկամք խոնարհի բաղումք են. և ոյք հարցանեն զողջունէ նորա՝ չիք նոցա չափ:

Զգօն, էջ 187—9.

24.

ՎԱՐՄԻ ՍՈՎՈՒՆ ՈՐ ԿԱԼԱԻ ԶՀՐԵԱՑՄՆ

Ասացից վասն անհնարին նեղութեանցն որ եկին հասսին նոցա ի սովի անդ: Յորեան յայտնապէս բնաւ ոչ ուրեք երեկը. զի վազվազելով ընթանալին և մտանէին ի տունս և ի մառանս, և խիլ արկանէին և յուղէին, և թէ ինչ առ ուժեք գտանէին և որ ուրանային՝ հարկանէին ի հարուածս դառնութեան. և թէ ոչ գտանէին առ մարդ՝ որ վասն սովոյն թագուցեալ էին, անհնարին տանջանօք չարչարէին զնոսա: Բաղումք իսկ ի ծածուկ զտացուածս իւրեանց փոխանակէին ընդ կապճի միոց ցորենոյ՝ եթէ մեծատունք էին, և եթէ աղքատք՝ ընդ գարւոց, և թագուցանէին զանձինս ի ներքնատունս իւրեանց: Եւ կէսք ի նոցանէ ի բազում կարօտութենէ զցորեանն ուտէին՝ իրբու

չէր աղացեալ, և էին որ եփէին, որպէս և հարկ օրինին հրամայէր. և սեղան բնաւ ամենեսին ուրեք ոչ ուղղէր, և անդստին ի կրակէ անտի յափշտակէին և ուտէին զկերակուրն. և արտասուաց արժանի էր տեսիլ նորին. և որ միանգամ զօրագոյնք էին քան զընկերս իւրեանց, յափշտակէին զնա, և որ հիւանդութն էին, լային և կային: Բայց քան զամենայն վիշտու և նեղութիւնս անցեալ գանցանէր նեղութիւն սովուն. իրք որ յալում վայրի ամօթոյ պատկառանաց արժանի են, ի մէջ նորա անարգեալ արհամարհէին. զի կանայք յարանց իւրեանց և մանկունք ի հարց իւրեանց, և կորանք քան զամենայն՝ մարք ի բերանոյց իւրեանց յափշտակէին զկերակուրն. և իրեն սիրելիքն իւրեանց ի ձեռս իւրեանց թառամեալ համարէին, ոչ անխայէին բառնալ զկայ կենաց նոցա: Թեպէտ և այսպէս ուտէին, սակայն թագչել ոչ կարէին. յամենայն տեղիս իսկ հասեալ ժամանէին խոռվիչքն՝ այնմ իմիք զոր յափշտակէին նոքա: Զի լորժամ տեսանէին ուրեք դուրս փակեալ՝ նշան էր այս այնոցիկ՝ թէ կերակուր ինչ գուցէ ի ներքս. երթային և խորտակէին զգուրսն, արտաքուստ ի ներքս անկանէին, և հասանէին ունէին զկոկորդս նոցա և հանէին զկերակուրն. բայց կլանէին ծերքն՝ որ ժուժկալէին կերակրոց, և խղէին զգէսս կանանց որ թագուցանէին ինչ կերակուր. և ոչ զոյր ողորմութիւն ի վերայ ալեաց ծերոց և ոչ տղայոց. զի զտղայսն առնուկին և նովին կերակրովն կախէին և զարկուցանէին զերկիր: — Սույկումն և գողումն էր և լսելոյ անգամ, զոր ինչ համբերէր մարդ ի խոստումն միոց նկանակի և վասն ափոյ միոյ ալեր գարւոց: Իսկ այնոցիկ որ սողէին և ելանէին զաղտուկ ըստ պահակապանան Հոռոմոց գիշերայն, քաղել իւրեանց խոստ ի վայրէ և բանջար, ընդ առաջ լինէին նոցա. և լորժամ համարէին եթէ ահա ապրեցաք ի թշնամեաց անտի իւրեանց, յափշտակէին ի նոցանէ զալն ինչ զոր բերէինն և ինչ ի նմանէ ոչ տալին նոցա:

Եւ խոր ևս սաստկանալը սովոր և լիզաջինջ առներ գաւմենայն ժողովուրդն, և տանեստան լի էին կանամբք և մանկառվ՝ որ լուծեալ անկեալ դնէին, և հրապարակք՝ ծերոցն դիակամբք. իսկ երիտասարդք և կուսանք դանդաշէին իթրե զստուեր, և իթրե պատկերք ի հրապարակս շըրջէին և անկեալ գլորէին և ճար ուրեք միոյ ի նոցանէ ոչ լինէր ի չարչարանաց. զի թաղել իսկ ոչ կարէին զսիթելիս իւրեանց. և այն որ ժուժկալն էր, ճանձրացեալ էր ի արտմութենէ անտի դիականցն մեռելոց. և թէ զինչ անցք իսկ ընդ նա անցցեն՝ ոչ գիտէր. զի բաղումք ի նոցանէ ի վերայ թաղելոցն անկանէին և մեռանէին: — Բայց բաղումք մինչ հասեալ էին ի գերեզման անդք՝ մեռանէին. և յայս ամենայն անհնարին նեղութիւնս՝ ողբք և լալիք ոչ գովն. զի սովոր սաստկացեալ զամենայն վիշտ չարչարանացն մոռացուցանէր. և ցամաք աչօք տանջեցեալք ի մահ հայէին՝ ընդ այնոսիկ որք զառաջէին զնոսա ի մահ. զի խոր լոռութիւն պատեալ էր զքաղաքաւն և գիշեր լի մահուամբ:

Եւսեբ. պատմ., էջ 155.

25.

ՍՔԱՆՉԵԼԻՔ ԲՆՈՒԹԵԱՆ

Եկ դու, նախ տես զգարունն, և ի նմին զծաղիկսն ազգի ազգի. վարդի զկարմրութիւն և շուշանի զսպիտակութիւն ի միոջէ ցողոյ, ի միոջէ երկրէ: Եկ, տես դու զճշմարտութիւն ի միոջէ հաստատութենէ ծառոյ. զիմրդ զկէսս ի նոցանէ ի հովանիս, և զկէսս ի նոցանէ ի պառւզս ազգի ազգի բաժանեալ ցուցանէ: Մի է այսի, և զիմն մի ի նոցանէ յայրեաց տուեալ է և զիմն մի ի նոցանէ ի բոյս, և զիմն մի նոցանէ ի զնդակս, և զիմն մի ի տերես, և միանգամայն զամենայն ողկոյզս խաղողոյ: Եկ զարմացիր դու զեղեգանն կեզեանօք զմիմեամբք պատելով, և ստէպ ստէպ առ միմեամբք զծունը կապելով: ի միոջէ երկրէ ելանէ սողուն և զազան, երէ

վալրի, փայտ և կերակուր, ոսկի և արծաթ, պղինձ և երկաթ և քար: Մի բոյս բարուց ծննդեան ջրոյ, և ի սմանէ ազգ թոչնոց երկնից, և զօղակաց ծովու, զի զոր օրինակ նոքա ի ջուրս զուղին, սոյնակէս և սոքա ընդ օդս վերացեալ ընդ երկինս թոչին:

Այս ծով մեծ և անդորր, անդ սողուն որ ոչ գոյ թիւ: Ո՞ կարէ պատմել զձկանցն, որ ի նմա գեղեցկութեամբ զարդարեալ են: Ո՞ կարէ պատմել զմեծամեծ ձկանցն յաղթութիւնս և կամ զերկակենդան շնչաւորացն զզօրութիւնս. զիմրդ կեանք իւրեանց անդ ի ջուրս են և աստ ի ցամաքի: Ո՞ կարէ զծովուն պատմել վսորութիւն անդնդոց, կամ զլայնութիւն տարածման, կամ զանթիւ թիւս ալեացն զմիմեամբք կուտակելոց, սակայն հասեալ ի սահման զետղ առեալ կայ. որ ընթացեալ ի խորոց անդնդոց անտի ալիօք կուտակելովք, հասեալ ի ծագ և ի գիծ սահմանաց իւրոց՝ անդէն յանձն իւր թուլացեալ լուծանէ զզօրութիւն իւր: Յայտնապէս թողու նշան, պարոյր առեալ զիւրեաւ զսահմանս ցամաքին:

Ո՞ կարէ զմտաւ ածել խորհել զբոյս բարուց ծննդեան զօղագնացն թոչնոց. զիմրդ ոմանց ոմանց լեզուքն ճոչողք և ճճուղք և կանչողք, և ոմանց ազգի ազգի իթրե նկարք ճարտարաց յերփն երփն փետուրս զարդարեալ են. և զիմրդ ոմանք ճախրեալ ի վերքան զամենայն հաստատեալ կան ի մէջ օդոյն թուլցեալ: Տարածեալ զթևս իւր՝ հաստատեալ կայ բազէ հայեցեալ ընդ հարաւ: Ո՞ կարէ ի մարդկանէ բարձրացեալ զարծուի թուլցեալ տեսանել ի բարձունս: Ո՞վ է մարդ ի մարդկանէ, որ զամենայն գազանաց զիտէ ասել գինէ զանուանան, կամ ո՞է, որ զմտաւ ածել մարթէ զիւրաքանչիւր նոցա բարուցն բարեգիտութիւն: Զի աղուէսն ցուցանէ զրարս նենդաւոր մարդկան, և օձն յայտ առնէ զբարեկամաց զժանգաւոր դժնդակութիւն, և ժրագլուխ մըջիւնն, զի զարթուցանէ զվատացն զտաղտկութիւն: Զի յորժամ երիտասարդութիւն հեղութեամբն և տաղտկութեամբն զանդեալ զանդեալ իցէ, յանբան անասնոյ անտի ժրութեամբն զանդեալ զանդեալ իցէ:

նէ կշտամբեալ յանդիմանեսցի, որպէս և ասացին գերքու Տես զմրջիւնն, ով վատ, և նախանձեա ընդ ճանապարհ նորա, և լեռ դու իմասոնագոյն ի ժրութեան»: Զի իրեւ հայրու ընդ նա, որ ի ժամանակի իւրում գանձէ գհամբարս իւր, նախանձեանց և դու ընդ նմա գանձել և դու քեզ պտուղ գործոց բարութեան:

(Կիւրդի Կոչումն բնծայուրեան, էջ 151—154).

26.

ԿՈՐԾԱՆՈՒՄՆ ՆԻՆՈՒԵՒ

Յարեաւ թագաւորն և կանայք իւր, և ի բաց եղին զթագն ի վերայ գլխոյ թագաւորին. զի լուան թէ վաղիւն չեցեմք: Ամենայն քաղաքն միաբան գոչեցին. վասն զի ի գոչել հողմոյն պղտորէր զողոյ երկրին, զի երկինք խոռվեալ էին. ամպք և մէգք զմիմեամբք պատէին և զօրացեալ թանձբանայք մառախուղն: Փայլակն զփայլակն բախէր, որոտումն որոտման պատահէր, կայծակունք զկայծակունս ստիպէին. դողումն անդ և հիանալ սրտի: Ամենայն մարդ ընդ գետին հայէր, թէ ահաւասիկ տապալի: Լալին ամենէքեան զմիմեանս ի կատարել աւուրցն: Եհաս ժամն այն. կացին ամենէքեան յաստիճան մահու, բուռն հարին զմիմեամբք, վասն զի եհաս յուսահատութիւնն: Եւ ի լալն իւրեանց հայէին ընդ երեկոն, եթէ եկն գիշերս և երեք մեզ խաւար անմեկնելի. եկն գիշերս և ահա չիք մեզ տեսանել զառաւոտն: Եւ ասէին՝ թէ յորմում պահու կործանի. յերեկորեայ երբեք տապալի, եթէ առաւոտուն կործանի. յորմում պահու արդեւք գայ ձայն գուժին: Կարծէին թէ յերեկորեայ տապալի. եկն երեկոյն, և նա կաչը կանգուն: Ակն ունէին եթէ ի գիշերի ընկղմեսցի. եղեւ գիշեր, և նա կայը ևս տակտւին: Ակն ունէին եթէ առաւոտուն կործանի. բացաւ առաւոտն, բացաւ ողորմութեան և գթութեան դուռն ի վերայ քաղաքին. զի յալն աւուրսն երկիրն ի

շարժմանէ ոչ դադարէր: Յաէս վեց եօթներորդսն երանի էր մեռելոց՝ քան նոցա: Կենդանի մեռեալ էին, և չէին թաղեալ: Եղբայր եղբօր պատահէր և ոչ ճանաչէր զկեր-պարանս նորա: և ոչ ունկն կարաց ի միմեանց մեկնել զձայն ի ձայնէ: Իրեւ զիսանձող կրակի էին ի պահոց. մորթ և ոսկերք լոկ մնացին:

Եփրեմ, Գ. 119.

27.

ՀԱԼԱԾԱՆՔ Ի ՎԵՐԱՅ ԱՍՈՐԻՈՑ

Դառն և անհնարին հրամանն ստիպեալ հասանէր և սաստիկ սպառնալիք չարաշուկ դատաւորացն դողումն յամենեսեան արկանէր: Քանզի ամբարիշոք իրեւ զբոց հրոյ բորբոքէին և որդիք կորստեանն որ ուտեն զմիս հում զկենդանեաց՝ իրեւ զգազանս գիշակերս սրէին զատա-մունս:

Առեւծն ահազին գոչէր և ելանէր ի չարաշուք մոր-ւոյն՝ յարձակել յափշտակել և բեկանել զեզինս հարկեաց որոտայր:

Գալք ապականիչք յիւրաքանչիւր որջից ելանէին՝ հասանել պատրաստականք ապականել զորձս պարարտ խաշ-շինս: Աղուէսք ժանտահոտք յիւրաքանչիւր զադարաց ըդ-ձիկս լինէին՝ գալ կրծել զանկեալ ոսկերս խաշանցն:

Քաջասիրտք և պնդակազմք պատուի և պսակի հա-սանէին, և վատապիրտք և տագնապեալք կորուսանէին զյաղթութիւնն:

Դասակը գասակը օղեաց մտանէին խիզախելով, և պառակը պառակը այծեաց ելանէին սկացեալք գունովք ուրացութեանն: Մատանէին սուրբք և սպիտակը, և ելանէին աղտեղիք և արիւնոտք: Սատանայ և գեք ինդային ընդ անհնարին բեկումն մեր, և այսք պիղծք ցնծային ընդ կո-րուստ ապականութեանն:

59

Օդք սուզ զգեցեալ բարկութեամբ շնչէին և ի պարզ լստակութենէն յարամուը և ի մըրիկ դառնային: Քաղցրաշունչ հողմն հարաւոյ դառնաշունչ բարկութեամբ կագ եղեալ ընդ աշխարհին մարտնչէր: Որոտմունք և անհնարին ճայթմունք առանց անձրեի և ցողոյ զմիմեանս բախէին և դողացուցանէին:

Ահեղ փայլատակունք յերաշտից անկանէին ի մարդիկ և խարշէին: Մուալլ և ծուլս չարատեսիլ շփոթեալ ընդ երկինս ընթանայր և փոխանակ ցողոյ և անձրեի փոշից ասմամբ արկանէր յանդաստանս: — Ամպք ամուլք, անծինք և անորդիք լինէին, զի ոչ ծնան և սնուցին և հասուցին զբոյս ի չափ հասակի:

Զամենայն աչօք մուալլ մածեալ նստէր ի սովոյ, և գոյնք ամենեցուն իբրև զճակնդեղ խարշեալ յեղեմանէ: Մարդք պատուականք առ վտանգի սովոյն զիշամիս ուստէին: Կէսք զմիմեանց մարմինս ուտէին և ոչ յագէին: Կանայք պատուականք և գթածք ընդ իւրեանց ձեռն եփէին զմանկունս և ուտէին, և դարձեալ ինքեանք զկնի նոցամեռանէին չարչարանօք:

Գետք անհունք նուազեցին և եղեն մօտ յազազանել, քաղաքք բազումք թափուր եղեն և աւերեցան, շէնք թափեցան և աւերակք բազմացան:

Վկայի արեւելից, էջ 40.

28.

ԱՂԵՐՍ ԵՒԹԱՂԻ

Ամենայն իրեք ամենայն ուրեք ժամանակ է: Աձէ գայ հասանէ յաստիս և դարձեալ միւսանդամ անդրէն դադարէ: Բայց յաղթողն կարեաց միայն յամենայնի յաղթէ: Մի լինիր ամբարտաւան, յորժամ ի ցանկալի փառաւորութիւնս իցես, և մի գձուձ՝ յորժամ ի թշուառութիւն հասանիցես: Զի եթէ այսպէս զկշիռն ունիցիս, արդար կշուն

կենաց աշխարհիս լինիցիս. քանզի ոչ ի պարզս և ոչ ի չյօդուածոյս ի մասակարութիւնս անկաք, այլ ի բազումս յանհնարինս և ի պէսպէս դառնութիւնս, և չիք ոք որ այնց միսիթար լինիցի մեզ: Յամենայն կարծելոց բարութեանցս միանդամայն վրիպեցաք՝ յաշխարհէ և ի փառաց թեանցս միանդամայն վրիպեցաք՝ յաշխարհէ և ի մեծութենէ, և միայն օգնական չարեաց զանմտութիւնն գորի:

Եւ արդ քանզի բազում վշտօք պատեցար, ով անձն իմ, մի վհատիր յաշխատութիւնս, այլ համբեր, ով սիրելի, իրու զլաւ ինչ ածեալ զմտաւ, եթէ ոչ զոր կամի ոք և խորհի զայն առնէ, այլ զոր ոչն խնդրէ ոք և փախչի զայն կրէ:

Ասաց ոմն, ասաց մեզ այսպէս պուետիկոս գլուխ մի եթէ Յուլսք առ կենդանեօք, անյոյսք մեռանին: Եթէ այնպէս իցէ, պարտ է համբերել վշտաց և տանել առաքինութեամբ կարեաց: Զի ոչ ոք է ինչ և չէ ինչ ի կեանս երկրածնաց և ոչինչ ի նմին հաստատութեան իրաց մարդկան կայ, այլ իրու զանիւ շրջի ամենայն և ընթանալ:

Եւրաղ, էջ 209

ՅԵՏ-ՌԱՍԿԵԴԱՐԵԱՆ ՇՐՋԱՆ

1.

ՅԵՏ ՊԱՏԵՐԱՋՄԻՆ

Տիկնայք փափկասունք Հայոց աշխարհին, որ գրգեալք և գգուեալք էին յիւրաքանչիւր բաստեռունս և ի գահաւորակս, հանապազ բոլ և հետի երթային ի տունս աղօթից, անձանձըցի խնդրեալ ուխտիւք, զի համբերել կարացեն մեծի նեղութեանն: Որ ի մանկութենէ իւրեանց սնեալ էին ուղղովք զուարակաց և ամճովք երէոց, խոտարուտ կենօք իրբե զվայրենիս ընդունէին զկերակուրն մեծաւ խնդրութեամբ, և ոչ լիշէին ամենեին զսովորական փափկութիւնն: Սևացեալ ներկան մորթք մարմնոյ նոցա, վասն զի ցերեկ արևակէզք էին և զամենախն գիշերսն գետնաբեկք:

Մոռացան զկանացի տկարութիւն և եղեն արուք առաքինիք ի հոգևոր պատերազմին. մարտ եղեալ կոռւեցան ընդ մեղսն կարեորս, հատին կարեցին և ընկեցին զմահարեր արմատս նորա: Միամտութեամբ յաղթեցին խորամանկութեան, և սուրբ սիրով լուացին զկապուտակ ներկուածս նախանձուն. հատին զարմատս ազահութեան և չորացան մահարեր պտուղք ոստոց նոցա:

Այրիք որ ի նոսա էին, եղեն վերստին հարսունք առաքինութեան և բարձին յանձանց զնախատինս ալրու-

թեանն: Իսկ կանայք կապելոցն՝ կամօք կապեցին զմարմնաւոր ցանկութիւնս և եղեն կցորդ չարչարանաց սուրբ կապելոցն. ի կեանս իւրեանց նմանեցին քաջ նահատակայցն մահուամբ, և ի հեռաստանէ եղեն վարդապետք մխիթարիչը բանտարգելեացն. Մատամբք իւրեանց վաստակեցին և կերակրեցան, և զկարգեալ ոռճիկ նոցա յարքունուստ՝ ամ լամէ թոշակ առնէին և տային տանել նոցա ի մխիթարութիւն: Անարիւն ճիպոանց նմանեցին, որ երգոյն քաղցրութեամբ առանց կերակրանաց կեան, և կենդանի են միայն զօդն ծծելով, զանմարմնոցն բերեն զնմանութիւն:

Բազում ձմերաց հալեցան սառնամանիք. եհաս գարուն և եկին նորեկ ծիծեռունք. տեսին և ինդացին կենցաղասէր մարդիկ, և նոքա ոչ երբեք կարացին տեսանել զահձկալիսն իւրեանց: Ծաղիկք գարնանայինք յիշատակեցին զպսակասէր ամուսինս նոցա, և աչք իւրեանց կարօտացան տեսանել զցանկալի գնդ երեսաց նոցա: Սպառեցան բարակք որսականք և խցեալ կուրացան արշաւանք որսորդաց: Բնագրօք լիշատակեցան նոքա, և ոչ մի տօնք տարեկանաց ոչ ածին զնոսա ի հեռաստանէ. ի ճաշակատեղս նոցա հայեցան և արտասուեցին, և յամենայն յատեանս յիշեցին զանուանս նոցա: Բազում արձանք կանգնեալ էին յանուն նոցա, և անուանք իւրաքանչիւր նշանակեալ ի նոսա:

Եւ իրբե այնպէս յամենայն կողմանց ալեկոծ լինէին միտք նոցա, ոչ ինչ կասեալ թուլացան լիրկնաւոր առաքինութենէն. Արտաքնոցն երևէին իրբե այրիք սգաւորք և չարչարեալք, և լոգիս իւրեանց զարդարեալք և մխիթարեալք երկնաւոր սիրով:

Ոչ ևս սովորեցին հարցանել զեկեալ ոք ի հեռաստատանէ, եթէ երբ լինիցի մեղ տեսանել զիրելիսն մեր այլ այն էին իղձք աղօթից նոցա, եթէ որպէս սկսանն՝ քաջութեամբ ի նմին կատարեցին լի երկնաւոր սիրովմ:

Եղիեէ.

ՆԱՌԱՋԻՐ ԱՅՐԱԲԱՏԱՅ

Եւ խորհելով զայս ամենայն Արշակ թագաւորն ի միտու իւր՝ լքեալ մերժեալ թողոյը զբարի և զբնիկ ժառանգութիւն նախնեաց իւրոց, զգաւառն Այրարատու, զհոյակապն և զհոչակաւորն և զականաւորն, զամենարոյան, զամենարուղին, զամենալին, զամենագիւտն ի շահս և ի դարմանս մարդկային պիտոյիցս կենաց և վայելչութեան և սթափութեան. զգաշտու մեծատարածս և որսալիցս, զիերինս շուրջանակի գեղեցկանիստու և պարարտարօտոս, զհոծեալս երէովքն կճակաբաժնիւք և որոճայնովքն, և այլովք ևս բազմօք ընդ նոսին: Յորոց ի վերուստ ի կատարացն ջրոց հոսմունք, անկարօտ ոոռօման արբուցանելով զգաշտու մատակարարէ անբաւ բազմութեամբ յոստանն, կանամբք, արամբք և լնտանեօք, զանպակասութիւն հացի և գինոյ, զանուշահոտ զմեղբահամ քալզրութիւն բանջարացն և զզանազանումն իւղաբուղիս սերմանցն: Իսկ ի լանջակողմանսն կամ ի սարահարթ տեղիս սիոնեալ, յոր դիպեցուցեալ զհայեցած նորոգատեսիլ մարդոց՝ հանդերձս ինչ և ոչ ծաղկաբոյս գոյնս կարծեցուցանեն սիոնեալքս պարարտարոյսք և պարարտարօտք պարարտահամք. որոց թանձրախիտ ամմունք խոտոցն զանթիւ արօտականս լնտանի իշանց և զանհամբոյը բոյլս վայրենի երէոցն յագեցուցեալ թանձրաթաղանթս, առոգագաւակս, սոնքացեալս զիրութեամբ զբնաւ մարմինն ցուցանեն: Իսկ սաստկարումն անուշահոտ ծաղկանցն, որ զարանցն քաջաց որսասէր նետողացն և զհօտարած բացօթէգացն, ընձեռելով առողջութիւն՝ զօրացուցանեն զզգալութիւն խելացն և նորոգեն: Անդ գտանին և ազգի ազգի արմատք բուսոց ի պէտս օգտակարութեան գեղոց, ըստ ճարտարագէտ ճանաչողութեան ստուգահմուտ բժշկացն յօրինուածոցն, երա-

գահաս ախտահալած սպեղանիք, և կամ արբմամբ յերկարելոցն ի ցաւս պատահացուցանեն առողջութիւն:

Իսկ զաշտացն ամենալըլութիւն զկամս աշխատասիրացն կորզելով յինքեանց իբրև բանիւ, և առցեեալ որ զինչ և է բարով՝ ևս առաւել փութանակի զդարձն առ ինքեանս հրաւիրեն միանդամայն: Որք ոչ միայն երկելութեամբն ցուցանեն, վերաբերեալ զշահաւորութիւն օգտից մարդկան, այլ առաւել յորդորախոյլ աշխատողացն՝ զառ ընդ երկրաւ ծածկեալ օգուտու ուսուցանեն, դանձել անձանց շահս և զվալելս ալսր աշխարհիս ի մեծութիւն թագաւորաց և ի հաստատութիւն հարկահանաց, զոսկի և զպղինձ և զերկաթ և զպատուական քարինս. զոր ընկալեալ արուեստող ձեռոց՝ զարդարեն զթագաւորս մեծատեսիլ զարդեօքն յօրինուածովքն, զոր ի խոյրսն և ի թագսն և ի հանդերձմն յոսկեհուոս պաճուճեալս ընդելուզանեն: Այլ և մածմամբ ջրոց՝ համածին անուշութիւնս մատուցանեն կերպացն զիորտկացն որոշութիւնս: Նաև զարմատս եղէզնասէր բուսոցն ոչ ընդունայն սնուցանէ յինքեան ամենաբաղձ դաշտն Այրարատոյ, այլ և ի նմանէ ծնեալ որդունս, ի զարդ կարմրատեսիլ գունոց, ընծայէ օգտասիրացն շահս և շքեղութիւնս: Եւս և զետոցն գնացք բազմակերպ ձկամբք մեծամեծօք և փոքումբք, զանազանեալ համովք և այլ և այլ տեսովք՝ ուրախացուցեալ լցուցանէ զշնորհս ընչեց և յագուրդ որովայնից ժրացելոցն և անվեներ ջանացողացն:

Սնուցանէ յինքեան երկիրն ջրովք արուեստիւք և զառաւելութիւն հաւուցն լուրախութիւն և ի սթափումն որսատենչ ազատացն. զկրկնածայն քալզրածայն առապարասէր վիմասոյզ սորամուտ երամս կաքաւացն և սալամբացն, և կամ զեղէզնաբնակ թփամուտ մացառազող պարարտամարմին զանուշահամ ազգ աքարացն վայրենեաց. այլ և զջրասուզակ մամուախնդիր խօզակեր մեծանձունք և յաղթամարմինք հաւքն, փորն և թանձրն և սագն, և կամ այլ բազում և անհամար ցամաքայնոցն և ջրայնոցն ջոկք թռչնոցն: Իսկ թակարդացն շրջափակութեամբք, երագազիւքն

ՆԿԱ.ՐԸ.ԳԻՐ ԱՅԹԱ.ՐԱ.ՏԱ.Ց

Եւ խորհելով զայս ամենայն Արշակ թագաւորն ի միտո իւր՝ լքեալ մերժեալ թողոյր զբարի և զբնիկ ժառանգութիւն նախնեաց իւրոց, զգաւաւոն Այրարատու, զհոյակապն և զհոչակաւորն և զականաւորն, զամենարոյն, զամենարոյն, զամենարուղին, զամենալին, զամենազիւտն ի շահս և ի դարմանս մարդկային պիտոյիցս կենաց և վայելչութեան և սթափութեան, զգաշտս մեծատարածս և որսալիցս, զիւրինս շուրջանակի գեղեցկանիստս և պարարտարօտս, զհոծեալս երէովքն կճղակարաժնիւք և որոճայնովքն, և այլովք ևս բազմօք ընդ նոսին: Յորոց ի վերուստ ի կատարացն ջրոց հոսմունք, անկարօտ ոռոգման արբուցանելով զգաշտս մատակարարէ անբաւ բազմութեամբ յոստանն, կանամբք, արամբք և ընտանեօք, զանպակասութիւն հացի և գինոյ, զանուշահոտ զմեղրահամ քաղցրութիւն բանջարացն և զզանազանումն իւղաբուղիս սերմանցն: Իսկ ի լանջակողմանսն կամ ի սարահարթ տեղիս սփուեալ, յոր դիպեցուցեալ զհայեցած նորոգատեսիլ մարդոց՝ հանդերձս ինչ և ոչ ծաղկաբոյս գոյնս կարծեցուցանեն սփուեալքս պարարտարոյսք և պարարտարօտք պարարտահամք. որոց թանձրախիտ ամմունք խոտոցն զանթիւ արօտականս ընտանի իշանց և զանհամբոյր բոյլս վայրենի երէոցն յագեցուցեալ թանձրաթաղանթս, առոգագաւակս, սոնքացեալս գիրութեամբ զընաւ մարմինն ցուցանեն: Իսկ սաստկաբուրումն անուշահոտ ծաղկանցն, որ զարանցն քաջաց որսաէր նետողացն և զհօտարած բացօթէգացն, ընձեռելով առողջութիւն՝ զօրացուցանեն զզայութիւն ինելացն և նորոգեն: Անդ գտանին և ազգի ազգի արմատք բուտոց ի պէտս օգտակարութեան դեղոց, ըստ ճարտարագէտ ճանաչողալիքան ստուգամուտ բժշկացն յօրինուածոցն, երա-

գահաս ախտահալած սպեղանիք, և կամ արբմամբ յերկարելոցն ի ցաւս պատահացուցանեն առողջութիւն:

Իսկ դաշտացն ամենալրութիւն զկամս աշխատասիւրացն կորպելով լինքեանց իբրև բանիւ, և առցեալ որ զինչ և է բարով՝ ևս առաւել փութանակի զդարձն առ ինքեանս հրաւիրեն միանգամայն: Որք ոչ միայն երևելութեամբն ցուցանեն, վերաբերեալ զշահաւորութիւն օգտից մարդկան, այլ առաւել յորդորախոյզ աշխատողացն՝ զառ ընդ երկրաւ ծածկեալ օգուտս ուսուցանեն, զանձել անձանց շահս և զվայելս այսր աշխարհիս ի մեծութիւն թագաւորաց և ի հաստատութիւն հարկահանաց, զոսկի և զպղինձ և զերկաթ և զպատուական քարինս. զոր ընկալեալ արուեստող ձեռաց՝ զարդարեն զթագաւորս մեծատեսիլ զարդեօքն յօրինուածովքն, զոր ի խոյրսն և ի թագսն և ի հանդերձմն յոսկենուս պաճուճեալս ընդելուզանեն: Այլ և մածմամբ ջրոց՝ համածին անուշութիւնս մատուցանեն կերողացն զիսորակացն որոշութիւնս: Նաև զարմատս եղէզնասէր բուտոցն ոչ ընդունայն սնուցանէ յինքեան ամենաբաղձ դաշտն Այրարատոյ, այլ և ի նմանէ ծնեալ որդունս, ի զարդ կարմրատեսիլ գունոց, ընծայէ օգտասիրացն շահս և շքեղութիւնս: Եւս և գետոցն զնացք բազմակերպ ձկամբք մեծամեծօք և փոքրումբք, զանազանեալ համովք և այլ տեսովք՝ ուրախացուցեալ լցուցանէ զշնորհս ընչեց և յագուրդ որովայնից քրացելոցն և անվեհեր ջանացողացն:

Սնուցանէ յինքեան երկիրն ջրովք արուեստիւք և զառաւելութիւն հաւուցն լուրախութիւն և ի սթափումն որսատենչ ազատացն. զկրկջաձայն քաղցրաձայն առապարասէր վիմասոյզ սորամուտ երամս կաքաւացն և սալամբացն, և կամ զեղէզնաբնակ թփամուտ մացառազող պարարտամարմին զանուշահամ ազգ աքարացն վայրենեաց. այլ և զջրասուզակ մամուախնդիր խօսկեկ մեծանձունք և յաղթամարմինք հաւքն, փորն և թանձրն և սագն, և կամ այլ բազում և անհամար ցամաքայնոցն և ջրայնոցն ջոկք թուչնոցն: Իսկ թակարդացն շրջափակութեամբք, երագագիւքն

և գահողովքն, ելեալ ի յորս գունդք նախարարացն որդւովքն ազատացն, ուր ոմանք զինտ ցուցն և այծեմանցն ցարշաւելով՝ զիմանական զաղեղնաձայնն եեթ բարբառի-ին. և այլը զնետ բուլից եղջերուացն և եղանց ձիարձակ եղեալ՝ զգործ կորովաձիկ արանցն ցուցանեն. և կէսք սու-սերօք իբրև զմենամարտիկս՝ զաստկանդամ երամս վա-րազացն գլորեցուցեալ սպանանեն: Եւ շատք ի մանր ման-կանց նախարարաց որդւոցն զաստիարակօք և ծառայիւք զայլսայլ սեռս ի թռչնոցն որսացեալ բազայիւք՝ դարձեալ բերիցեն ի յաճումն ընթրեացն ուրախութեան. և այսպէս առցեալք իւրաքանչիւր որսով՝ գնան ուրախացեալք:

Դ. Փարպեցի, էջ 9—11.

3.

ԵՐՈՒԱՆԴԱԿԵՐՏ

Քաղցը է ինձ ասել և յաղագս զեղեցիկ դաստակեր-տին Երուանդակերտի, զոր յօրինեաց նոյն ինքն Երուանդ գեղեցիկ և չքնաղ յօրինուածովք: Քանզի զմիջոց հովտին մեծի լնու մարդկութեամբ և պայծառ շինուածովք, լուսա-ւոր որպէս ական բիր, իսկ շուրջ զմարդկութեամբն՝ ծաղ-կոցաց և հոտարանաց կազմութիւն, որպէս շուրջ զբրովն զայլ բոլորակութիւն ական: Իսկ զբաղմութիւն այգեստա-նոյ, իբր զարտեանաց խիտ և զեղեցիկ ծիր, որոյ հիւսի-սային կողմանն դիր կարակնածե՝ արդարեւ գեղաւոր կու-սից յօնից զարեւանդաց համեմատ: Իսկ ի հարաւոյ հար-թութիւն դաշտաց, ծնօալից պարզութեան զեղեցկութիւն. իսկ գետն բերանացեալ գարաւանդոք ափանցն՝ զերկթեր-թիւն նշանակէ շրթունս: Եւ ալսպիսի զեղեցկութեան դիր՝ անքթթելի իմն գոզցես ի բարձրաւանդակ թագաւորանիստն զհայեցուածսն ունի. և արդարեւ բերի և թագաւորական դաստակերտն:

Խորենացի, Բ. 42.

66

4.

Վ.Ա.ՄՆ ԿՈՏՈՐԱԾԻՆ ՈՐ Ի ՍՄբԱՏԱԲԵՐԴ

Անդ էր տեսանել տեսութիւն ողորմելի և բազում ող-ոց արժանի. զի զոմանս ի նոցանէ որ ի ըուռն անկա-նէին, սրամահ սպանանէին. և որք յառապար տեղիս ան-կանէին և ամրանային, նետիւք խոցոտեալ սատակէին. և զբազումս լանձաւին վերայ ելեալք մեծամեծ վիմօք զլա-ջարդ առնէին, որոց դիակունքն գլաթթաւալ ի վերայ մի-մեանց շեղեալ իբրև զկոյտս փայտահարաց՝ զառաջիկայ զձորն լնուին: Վայ և աւաղ շատ դառն լուսոյ աւուրն այնորիկ. զի քաջ արքն վասեալ զինու և սրտմտութեամբ եռացեալք, և վատքն թալկանալին, կանացիք յիմարէին և երիտասարդք իւրականէին, այլ ելս իրացն ոչ կարէին իմա-նալ: Քանզի յամենայն կողմանց պատնէշ թշնամեացն պա-շարեալ էր զնոսա, ոչ գոյր անդ սէր սիրելեաց և ոչ աւաղ բարեկամաց. մոռացաւ հայր զգութ որդւոց, և մայր զսէր նորածին մանկանց: Ոչ կարէր լիշել անդ կին նորահարսն զսէրն փեսայի, և ոչ զմտաւ ածէր այր զգեղ ցանկալի ամուսնոյն իւրոյ. պակասեցան երդք պաշտօնէից, և հատան ձայնք սարմոսաց ի շրթանց սաղմոսողաց. կալաւ առ հասա-րակ զամենեսեան դողունս և երկիւղ: Եւ ի սաստիկ տագ-նապէն, բազում կանայք յլի գոլով՝ վիճէին զմանկունս. և այսպիսօքէն գործով՝ իբր գարմաւ որսորդաց թակարդեալ էին զիեառն ամենայն մինչև լքան և հատան ի զօրու-թենէ:

Իսկ ի զալ երեկոյին, առեալ զառ և զգերի և զկա-պուտ սպանելոցն, չոզան ի տեղւոյն: Իսկ զկնի ելանելոյն նոցա, անդ էր տեսանել տեսութիւն ողորմելի և քան զա-ռաջինն ողորմագոյն և բազում ողբոց արժանի: Քանզի բազմադիմի էին օրհասք մահուն. զի ոմանք յանկելոցն դեռ յոգիս կէին և լեզուք նոցա ի ծարաւոյ ցամաքեալք,

67

նեղ և նուրբ ձայնիւ հայցէին հայթայթանս ծարաւոյն
 գտանել, և ոչ ոք էր որ տայր. իսկ կէսք չարապէս վիրա-
 սորեալք, և ի ձայնէ պակասեալք, ուժգնակի շնչէին. և
 այլք ընդ փողիցն զենեալք՝ կիսամեռ գոլով, գժուարաւ
 խոնչէին. իսկ ոմանք ի դժուարին խոցուածոցն մարման-
 խոնչէին: զեղ ոմանք ի դժուարին խոցուածոցն մարման-
 ջեալք՝ աքսոտէին ոտիւք, և եղնգամք ձեռացն զերկիր դապիր
 հատանէին: Բայց առ նոսա և այլ ահագին էր տեսիլ տե-
 սանել, որ և կքարինս անգամ և զայլ անշունչ արարածս
 շարժէին ի յողբս և ի հառաչանս, քանզի անօրէնքն յոր-
 ժամ զգերիսն հանին ի լեռնէն, զտղայս առեալ ի զրկաց
 ծնողացն՝ յերկիր ընկեցին, որովք ի բազմութենէ նոցա
 եռայր առհասարակ տեղի բանակի նոցա: Ոմանք յանկե-
 լոցն զքարի հարեալ սատակէին, և կիսոց կուշտքն պա-
 տառեալ, և փորոտիքն յերկիր հեղեալ. իսկ զկենդանեացն
 զկառաչ որ լսիլք տանել կարէին: Քանզի որ հետիոտիւք
 ընթանալ կարէին, այսը անդը յածելով զմարս իւրեանց
 խնդրէին, յորոց ի բարձրածայնութենէ լալեցն՝ արձա-
 գանգ լերինս զնես հնչէին. իսկ այլք որք չկ ևս էին հաս-
 տատեալք յոտս, ի գուճս սողալով կառաչէին. իսկ որք
 քան զնոսա ի տիեզ հասակէին, ոտիւք զերկիր հարկանէին.
 և ի սողալոյն պակասեալք ի ձայնս, աչ կարէին արտաքս
 և բերել զհագագն. և այսպիսի ողորմագին ձայնիւք և ան-
 հատ աղաղակաւ՝ զգառանց բերէին զնմանութիւն, որ դե-
 ռադեռ ի մարցն բաժանեալ ի հորձիցն ելեւլս առնէին
 վասն անժոյժ գոլոյ բնութեանն. և անդադար զօղանջիւք
 վիրաւորէին զօդն, և ձանձրացուցանէին զլսելիս լուղացն:
 Լատիվեցի, էջ 50—51.

5.

Ի ԽՈՐՈՅ ՍՐՑԻ ԽՕՍՔ ԸՆԴ ԱՍՏՈՒԾՈՅ

Ձայն հառաչանաց հնծութեան սրտի՝ ողբոց աղաղա-
 կի քեզ վերընծայեմ, տեսողի գաղտնեաց. և մատուցեալ

եղեալ ի հուր թախծութեան անձին տոչորման՝ զպտուղ
 ըզձից ճենճերոյ սասանեալ մտացս, բուրվառաւ կամացս
 առաքել առ քեզ: Այլ հոտոտեացիս, հայեսցիս, գթած, քան
 ի պատարագն բոլորապառուղ մատուցեալ ծխոյն բարդու-
 թեան: Ընկալ զսակաւամասնեայ բանիցս յօդուած քեզ ի
 հաճութիւն և մի ի բարկութիւն:

Այն զի ծով է ինձ ծփանաց կենցաղոյս բերմունք
 յոյժ նմանագոյն. յորում կոհակօք բազմօք անթիւ դիմեց-
 մանց տատանեալ հոգիս ի յայսմ աշխարհի մարմնոյս շին-
 ուածով իբր ի նաւակի: Քանզի մինչդեռ չուէի ես յանհո-
 գութեան անտարակոյսն վստահութեամբ, դոյզն կասկած
 արկածից ի միտ բերելով առ խտրոց փոքր միջոցին, որ ի
 մէջ հանգստեանն և աշխատութեանն, իբր այն թէ հասեալ
 իցեմ, ձմեռն յամարանի բքարեր հողմով ժամանեալ երեք-
 ալեանն դիմակցութեամբ ամբոխեաց զնանդարտութիւնն:
 Ուստի նաւն ի բախմանէ վայրենի ալեացն խորտակեցաւ
 թեզցն ձեռնարկութիւն քայլքայեցաւ, կայմն ամբարձման
 ի կայից իւրոց լիլեցաւ, առաղաստին թոչարան յանկար-
 կատելի ծուէնս պատառեցաւ, շինուածոյն շողեցաւ, տեսարան գլխոյն
 դիտակի խոնսարհեցաւ, ապաւանդակին պարան կտրեցաւ,
 ապաւինութիւն խարսխին լուծաւ, լուծք ստուարք ամո-
 լիցն կցորդութեան բաժանեցան, սամիք ուղղչացն հետոց
 գալարեցան, լաստ հիմանն հաստարանի ընկղմեցաւ, զե-
 կացն կառուցմունք անդրէն սուզան, չուոցն լարմարու-
 թիւնք պակասեցան, ողնափալտին պատսպարան իսկոյն
 բեկաւ, կապարանք զստին հաստուածոյ յօշատեցաւ, գողք
 ամփոփման ծոցոյն կազմածոյ անարգեցան, խելք շրթանցն
 եղերաց խախտեալ սստեաւ, պաղպաջունք բազմականացն
 անկեալ բարձաւ, վանդակապատին վայելչութիւն յատա-
 կեցաւ, գահաւորակին հանգստարանն շփոթեցաւ, մածմունք
 տախտակաշարք ի միաբանութեանց միմեանց անջատե-
 ցան, հեղոյսք պնդման բեեռացն քարեցան: Արգասիք

իրին լիշտակարան ողբոց ինձ նմանեցաւ։ Նաւուղիղն
հանդէպ նաւին գեղերեալ ողբայ, ձեռն ի ծնօտի եղեալ,
արտասուաց գետո իջուցանէ։ Նշմարք սակաւ մնացուածոցն՝
ի ծայրից ծփմանց ազդելոյ ծովուն, իբր խողխողեալ բա-
նաւոր, ողորմագին թախծանօք հեծէ։

Գր. Նարեկացի, 1, 25.



«Ազգային գրադարան



NL0243128

ԳԻՒԾ 7 թ. 50 հ.

7772



Р. АЧАРЯН

Хрестоматия древн. армянского языка
Гиз ССРА Эреванъ 1936